

摘藻堂四庫全書薈要

史部

欽定四庫全書薈要

史部

資治通鑑卷二百一十六

七

詳校官編修臣汪鏞



欽定四庫全書薈要卷七千二百二

史部

資治通鑑卷二百一十六 宋 司馬光 撰

胡省三 音註



唐紀三十二

起疆圉大淵獻十二月盡昭陽大荒落凡六年有奇

玄宗至道大聖大明孝皇帝下之上

天寶六載

載子亥翻

十二月己巳上以仙芝為安西四

鎮節度使徵靈謦入朝

使疏吏翻朝直遙翻

靈謦大恩仙芝

見靈謦趨走如故靈謦益恩副都護京兆程千里

押牙畢思琛及行官王滔等

押牙者盡管節度使牙內之事行官主將

命往來京師及隣道及巡內郡縣琛丑林翻

皆平日構仙芝於靈譽者

也仙芝面責千里思琛曰公面如男子心如婦人

何也又捽滔等欲笞之

捽才沒翻笞丑之翻

既而皆釋之謂

曰吾素所恨於汝者欲不言恐汝懷憂今既言之

則無事矣軍中乃安初仙芝為都知兵馬使猗氏

人封常清少孤貧細瘦類目

少詩照翻類虛對翻

一足偏短

求為仙芝僦不納常清日候仙芝出入不離其門凡

數十日

焦苦念翻離力
智翻下離席同

仙芝不得已留之會達奚部叛

夫蒙靈登使仙芝追之斬獲略盡常清私作捷書以示

仙芝皆仙芝心所欲言者由是一府竒之仙芝為節度

使即署常清判官仙芝出征常為留後

唐諸使之屬判官位次副使盡

絕府事又節度使或出征或入朝或死而未有代皆有知留後事其後遂以節度留後為稱至我朝遂以留後為承宣使資序未應建節者為之仙芝乳母子鄭德詮為郎將將即仙

芝遇之如兄弟使典家事威行軍中常清嘗出德詮自

後走馬突之而過常清至使院

使院留後治事之所節度使便坐治事亦或就

使院使疏吏翻使名德銓每過一門輒闔之既至常清離席謂

曰常清本出寒微郎將所知今日中丞命為留後離力智翻

中丞謂高仙芝唐邊鎮諸帥或帶御史中丞大夫時隨其所帶官稱之郎將何得於眾中

相陵突因叱之曰郎將須斃死以肅軍政暫同遂杖之

六十面仆地曳出仙芝妻及乳母於門外號哭救之不

及因以狀白仙芝仙芝覽之驚曰已死邪及見常清遂

不復言號戶高翻常清亦不之謝軍中畏之惕息史言封常

清能治軍政亦緣高仙芝自唐興以來邊帥皆用忠厚不以私親撓法惕他歷翻

名臣不久任不遙領不兼統功名著者往往入為宰相

如李靖李勣劉仁軌婁師德之類是也開元以來薛訥郭元振張嘉貞王琚張說杜暹蕭嵩李適之等亦皆自

邊帥入相其四夷之將雖才略如阿史那社爾契苾何

力猶不專大將之任皆以大臣為使以制之社爾討高昌侯君集

為元帥何力討高麗李勣為元帥將即及開元中天子

有吞四夷之志為邊將者十餘年不易始久任矣王琚

運張守珪皇子則慶忠諸王宰相則蕭嵩牛仙客始遙

領矣諸王事見二百十三卷開元十五年蕭嵩事見蓋

嘉運王忠嗣專制數道始兼統矣

蓋嘉運事見二百十
四卷開元二十八年

王忠嗣事見上卷
五載蓋古合翻

李林甫欲杜邊師入相之路以胡人

不知書乃奏言文臣為將怯當矢石不若用寒暖胡人

寒謂卑賤暖嘗有事
農畊者也暖音俊

胡人則勇決習戰寒暖則孤立無

黨陛下誠以恩洽其心彼必能為朝廷盡死

偽為
翻上悅

其言始用安祿山至是諸道節度盡用胡人

安祿山安
思順哥舒

翰高仙芝
皆胡人也

精兵咸戍北邊天下之勢偏重卒使祿山傾

覆天下皆出於林甫專寵固位之謀也

卒子
恤翻

七載夏四月辛丑左監門大將軍知內侍省事高力士

加驃騎大將軍

知內侍省事自此始唐制勳階二十九驃騎大將軍為之首從一品監古街翻

驃匹妙翻

力士承恩歲久中外畏之太子亦呼之為兄

諸王公呼之為翁駙馬輩直謂之爺

爺以遮翻俗呼父為爺

自李

林甫安祿山輩皆因之以取將相其家富厚不貲

將即亮翻

相米亮翻貲即移翻不貲言不可算計也

於西京作寶壽寺寺鐘成力士作

齋以慶之舉朝畢集

宋璟若在必不預斯集矣朝直遥翻

擊鐘一杵施錢

百緡

施式鼓翻

有求媚者至二十杵少者不減十杵然性和

謹少過善觀時俯仰不敢驕橫故天子終親任之士大

夫亦不疾惡也

少詩照翻橫戶
孟翻惡烏路翻

五月壬午羣臣上尊

號曰開元天寶聖文神武應道皇帝

上時掌翻

赦天下免百

姓來載租庸擇後魏子孫一人為三恪

三恪二王後注
已見前杜佑曰

周得天下封夏殷二王後又封舜後謂之恪恪敬也義
取王之所敬故曰三恪天寶十三載公卿議曰三恪二
王之議有三說焉一曰二王之前更立三代之後為三
恪此據樂記武王克商未及下車封黃帝堯舜之後下
車封夏殷之後而言一曰二王之前但在一代通二王
為三恪此據左傳但封胡公以脩三恪明王者所敬先
王有二更封一代以備三恪三云二王之後為一恪妻
之父母為二恪夷狄之君為三恪此據王有不臣者三

而言之梁崔靈恩云三說以初為長按二王三恪經無正文靈恩據禮記遂以為通存五代竊恐未安記云尊賢不過二代第三代者遂遠難師法豈得不錄其後故亦存之示敬其道而已因謂之三恪故左傳云封胡公以備三恪足知其無五代也況歷代至今皆以三代為三恪焉以此攷之蓋以後魏子孫與周隋子孫為三代也明年尋罷魏

後注又見後

六月庚子賜安祿山鐵券度支郎

中丞侍御史楊釗善窺上意所愛惡而迎之以聚斂驟

遷歲中領十五餘使

釗音昭斂力贍翻惡烏路翻使疏史翻洪邁隨筆曰楊國忠為度支

郎領十五餘使至宰相凡領四十餘使新舊唐史皆不詳載其職案其拜相制前街云御史大夫判度支權知太府卿事兼蜀郡長史劍南節度支度營田等副大使本道兼山南西道來訪處置使兩京太府出納監倉祠

祭木炭宮市長春九成宮等使閤內道及京畿采訪處
置使拜右相魚史部尚書集賢殿崇玄館學士修國史
太清太微宮使自餘所領又有管當甲辰遷給事中兼
租庸鑄錢等使以是觀之槩可見矣

御史中丞專判度支事

度徒洛翻

恩幸日隆

蘇冕論曰設官分職各有司存政有恒而易守

恒戶登翻

易以政翻

事歸本而難失經遠之理捨此奚據洎奸臣廣

言利以邀恩多立使以示寵

洎其冀翻使疏史翻

刻下民以厚

斂張虛數以獻狀上心蕩而益奢人望怨而成禍使
天子有司守其位而無其事受厚祿而虛其用宇文

融首唱其端楊慎矜王鉞繼遵其軌

鉞戶公翻

楊國忠終

成其亂仲尼云寧有盜臣而無聚斂之臣

記大學百乘之家不

畜聚斂之臣與其有聚斂之臣寧有盜臣

誠哉是言前車既覆後轍未改

求達化本不亦難乎

冬十月庚戌上幸華清宮十一月癸未以貴妃姊適

崔氏者為韓國夫人適裴氏者為虢國夫人適柳氏者

為秦國夫人三人皆有才色上呼之為姨出入宮掖竝

承恩澤執傾天下每命婦入見

妙將兒翻掖音亦命婦外命婦也見賢通翻

玉真公主等皆讓不敢就位

玉真公主睿宗之女

三姊與錡錡五

家凡有請託府縣承迎峻於制敕四方賂遺

錡丑廉翻錡魚倚翻

遺于季翻下獻遺同

輻湊其門惟恐居後朝夕如市十宅諸王及

百孫院昏嫁

十王宅百孫院見二百十三卷開元十五年

皆以錢千緡賂韓

勣使請無不如志上所賜與及四方獻遺五家如一競

開第舍極其壯麗一堂之費動踰千萬既成見它人有

勝已者輒毀而改為勣國尤為豪蕩一旦帥工徒突入

韋嗣立宅即撤去舊屋

緡彌賓翻帥讀曰率去羌呂翻

自為新第但授

韋氏以隙地十畝而已中堂既成召工巧音烏塿音烏

約錢二百萬復求賞技復扶又翻號國以絳羅五百段

賞之嗤而不顧曰請取螻蟻蜥蜴嗤丑之翻蜥先擊翻

雅云螻蜥蜴守宮是則一類記其數置堂中苟

失一物不敢受直十二月戊戌或言玄元皇帝降于

朝元閣上於華清宮中起老君殿殿之北為朝制改會

昌縣曰昭應廢新豐入昭應辛酉上還宮自溫泉宮還

如哥舒翰築神威軍於青海上吐蕃至翰擊破之又築

城於青海中龍駒島

吐從瞰入聲青海周八九百里中有山須臾合遊牝馬其上明年生

駒號龍種故謂之龍駒島

謂之應龍城吐蕃屏跡不敢近青海

屏必

近其

是歲雲南王歸義卒子閭羅鳳嗣以其子鳳迦

異為陽瓜州刺史

卒子恤翻嗣祥吏翻南詔王父子相繼其子必以父號下一字冠於已所

號之上歸義本號皮羅閭帝賜名歸義其子號閭羅鳳是以閭字冠其號之上也閭羅鳳之子號鳳迦異是以鳳字冠其號之上也其後至豐祐乃革其舊開元二十六年考異不取此說然二百四十三卷穆宗之長慶四年則又書豐祐不與父連名事

八載春二月戊申引百官觀左藏

唐六典曰周禮有外府中土主泉藏之在

外者掌邦布之入出以供百物而待邦用者也又有職幣上士中士主貨幣之入者也竝令左藏之職至秦漢則分在司農少府後漢少府屬官有中藏府令丞掌中藏幣帛金銀貨物魏氏因之晉少府屬官有左右藏令東晉御史九人各掌一曹有庫曹御史後復分庫曹置外左庫內左庫宋文帝省外左庫而內左庫直曰左庫齊梁陳有右藏庫而無左藏北齊太府寺統左右藏令丞後周有外府上士中士隋有左右藏署令丞唐左藏有東庫西庫朝堂庫又有東都庫余按雍錄太極宮中東左藏庫西左藏庫東庫在恭禮門之東西庫在安仁門之西大明宮中有左藏庫在麟德殿之左又有右藏署令掌邦國寶貨雜物而天下賦調之正數錢物則皆歸左藏也藏徂浪翻下帑藏同

賜帛有差是時州縣殷富倉庫積粟帛

動以萬計楊釗奏請所在糴變為輕貨及徵丁租地稅

皆變布帛輸京師屢奏帑藏充牣古今罕儔故上帥羣

臣觀之

到音昭帥讀曰率

賜釧紫衣金魚以賞之上以國用豐

衍故視金帛如糞壤賞賜貴寵之家無有限極三月

朔方節度等使張齊丘於中受降城西北五百餘里木

剌山築橫塞軍以振遠軍使鄭人郭子儀為橫塞軍使

橫塞軍本名可敦城按宋白續通典橫塞軍初置在飛

狐後移蔚州開元六年張嘉貞移於古代郡大安城南

以為九姓之援天寶十二年改為天德軍叅攷諸書橫

塞軍即橫野軍天寶元年書河東節度統橫野軍開元

六年所移者也此築橫塞軍在可敦城者也振遠軍在

單于府界鄭縣漢屬京兆後魏置東雍州并華山縣西

魏改華州隋開皇初廢郡大業初廢州復置鄭縣
屬京兆唐屬華州使疏吏翻降戶江翻刺盧達翻

夏

四月咸寧太守趙奉璋

咸寧郡本丹州丹陽郡
元年更郡名守式又翻

告李林

甫罪二十餘條狀未達林甫知之諷御史逮捕以為妖

言杖殺之

妖於
裔翻

先是折衝府皆有木契銅魚朝廷徵

發下敕書契魚

唐制銅魚符所以起軍旅王畿之內左
三右一王畿之外左五右一左者在內

右者在外行用之日從第一為首後事頒用依次發之周而
復始木契之制若太子監國則王畿之內左右各三王畿之

外左右各五庶官鎮守則左右各十唐六典符寶郎掌
符節曰木契者所以重鎮守慎出納車駕巡幸皇太子

監國有兵馬受處分者為木契并行軍所及領軍五百
人馬五百匹以上征討皆給木契三公以下兩京留守

及諸州有兵馬受處分亦給木契曰銅魚符者所以起軍旅易守長兩京留守若諸州諸軍折衝府諸處捉兵鎮守之所及宮總監皆給銅魚符程大昌演繁露曰唐世左魚之外又有敕牒將之故魚名魚書先悉薦翻下遐

嫁都督郡府參驗皆合然後遣之自募置彊騎彊騎見二百一

十二卷開元十三年府兵日益墮壞墮讀曰墮及逃亡者有

司不復點補復扶人翻其六馱馬牛器械糗糧耗散畧盡馱徒

何翻糗去九翻府兵入宿衛者謂之侍官言其為天子侍衛也

其後本衛多以假人役使如奴隸長安人羞之至以相

詬病記儒行曰今衆人以儒相詬病注以儒相靳故相戲詬病猶耻辱也杜預云戲而相愧為靳詬音邁

又呼
侯翻

其戍邊者又多為邊將苦使利其死而沒其財

將即

亮翻

由是應為府兵者皆逃匿至是無兵可交五月癸酉

李林甫奏停折衝府上下魚書是後府兵徒有官吏而

已

唐府兵之制十人為火火有長火備六駄馬凡火具

烏布幕鐵馬孟布槽鍾鐺鑿碓筐斧鉗鋸皆一甲狀

二錦二五十人為隊隊具火鑽一胸馬繩一首羈足絆

皆三人具弓一矢三十胡祿橫刀礪石大鵬氈帽氈裝

行滕皆一麥飯九斗米二斗皆自備其介冑戎具藏于

庫有所征行則視其入而出給之其番上宿衛者惟給

弓矢橫刀而已今其折衝果毅又歷年不遷士大夫亦

皆耗廢非其舊矣

恥為之其曠騎之法天寶以後稍亦變廢應募者皆市

井負販無賴子弟

孔穎達曰白帛通云因井為市故曰市井應劭通俗文云市特也養贍老

小特以不墮也俗說市井謂至市者於井上洗濯其物香潔及自嚴師乃到市也謹按古者二十畝為一井因為市交易故稱市井然則本由井田之中交易為市故國都之市亦因曰市井案禮制九夫為市應劭二十畝為井者劭依漢書食貨志一井八家家有私田百畝公田十畝餘二十畝以為井竈廬舍故言二十畝耳因井為市或如劭言

未嘗習兵時承平日久議者多謂中國兵可銷

于是民間挾兵器者有禁子弟為武官父兄擯不齒猛將精兵皆聚於西北中國無武備矣 太白山人李渾

等上言

水經注曰武功縣有太一山古文以為終南亦曰中南亦曰太白山在武功縣南去長安二百

里不知其高幾何俗云武功太白去天三百杜彥遠曰
太白山南連武功山於諸山最為秀傑冬夏積雪望之
皓然隋志曰太一山在藍屋縣界新志曰太白山在郿縣見神人言金星洞有玉板

石記聖主福壽之符命御史中丞王鉉入仙遊谷求而
獲之上以符瑞相繼皆祖宗休烈六月戊申上聖祖號
曰大道玄元皇帝上高祖謚曰神堯大聖皇帝太宗謚
曰文武大聖皇帝高宗謚曰天皇大聖皇帝中宗謚曰
孝和大聖皇帝睿宗謚曰玄真大聖皇帝肅太后以下
皆加謚曰順聖皇后 辛亥刑部尚書京兆尹蕭炅坐

賊左遷汝陰太守

汝陰郡
潁州

上命隴右節度使哥舒翰

帥隴右河西及突厥阿布思兵並以朔方河東兵凡六

萬三千攻吐蕃石堡城

厥九勿翻吐
從瞰入聲

其城三面險絕惟

一徑可上

上時
掌翻

吐蕃但以數百人守之多貯糧食積糲

木及石

貯丁呂翻
糲盧對翻

唐兵前後屢攻之不能克翰進攻數

日不拔召裨將高秀巖張守瑜欲斬之

高秀巖後為安
祿山守大同蓋

二人朔方
河東將也

二人請三日期可克如期拔之獲吐蕃鐵刀

悉諾羅等四百人唐士卒死者數萬果如王忠嗣之言

王忠嗣言見
上卷六載

頃之翰又遣兵於赤嶺西開屯田以謫卒

二千戍龍駒島冬永合吐蕃大集戍者盡沒

深入虜境
聲援不接

兵法曰遺
人獲也

閏月乙丑以石堡城為神武軍又於劔南

西山索磨川置保寧都護府

置保寧都護府
以領牂柯吐蕃

丙寅上

謁太清宮

天寶元年正月得靈符起玄元皇帝廟於西
京大寧坊東京置於東宮積善坊臨淄舊邸

天下諸郡各置玄元像於開元觀至二年三月十二日
改在京玄元宮為太清宮東京為太微宮天下諸郡為

紫極宮

丁卯羣臣上尊號曰開元天地太寶聖文神武應

道皇帝赦天下禘祫自今於太清宮聖祖前設位序正

秋七月冊突騎施移撥為十姓可汗

騎奇寄翻可從刊入聲汗音寒

八月乙亥護密王羅真檀入朝

朝直遙翻

請留宿衛許之

拜左武衛將軍 冬十月乙丑上幸華清宮 十一月

乙未吐火羅葉護失里怛伽羅遣使表稱竭師王親附

吐蕃

怛當割翻伽求加翻使疏史翻竭丘竭翻又去謁翻

困苦小勃律鎮軍阻其

糧道臣思破凶徒望發安西兵以來歲正月至小勃律

六月至大勃律

竭師亦曰羯師胡種也與吐火羅鄰接大勃律或曰布露直吐蕃西其北即小

勃律也勃律上許之

九載春正月己亥上還宮 羣臣屢表請封西嶽許之

二月楊貴妃復忤旨送歸私第

楊妃初忤旨見上卷五載復扶又翻忤五

故翻

戶部郎中吉溫因宦官言於上曰婦人識慮不遠違

忤聖心陛下何愛宮中一席之地不使之就死豈忍辱

之於外舍邪

吉溫此言欲以自結于楊妃耳邪音耶

上亦悔之遣中使賜

以御膳妃對使者涕泣曰妾罪當死陛下幸不殺而歸

之今當永離掖庭

使疏吏翻下同離力智翻掖音亦

金玉珍玩皆陛下

所賜不足為獻惟髮者父母所與敢以薦誠乃翦髮一

繚而獻之

繚力上遽使高力士召還寵待益深

翻又宣

字婦人女子最為難養以忤旨而出之若并咳唾可也

既出而復召還則彼之怙寵悍忤將無所不至明皇其可再乎古之所謂英主時諸貴戚競以進食相尚上命如漢武之于鈎弋庶乎

宦官姚思藝為檢校進食使水陸珍羞數千盤一盤費

中人十家之產中書舍人竇華嘗退朝

使疏史翻朝直遙翻

值公

主進食列于中衢傳呼按轡出其間宮苑小兒數百奮

挺於前

宮苑小兒宮苑使領之挺待鼎翻

華僅以身免

安西節度使

高仙芝破羯師虜其王勃特沒

羯丘竭翻錄去載十一月吐火羅

考異曰實

葉護請使安西兵討竭師上許之不見出師今載三月
庚子冊竭師國王勃特沒兄素迦為王冊曰項勃特沒
於卿不孝于國不忠不言竭師為誰所破按十載正三
月高仙芝擒竭師王來獻然則竭師為仙芝所破也三
月庚子立勃特沒之兄素迦為竭師王

如音

上命御

史大夫王鉷鑿華山路設壇場於其上

鉷戶公翻華戶化翻

是春

關中旱辛亥嶽祠災制罷封西嶽

夏四月己巳御史

大夫宋渾坐贓巨萬流潮陽

潮陽郡本潮州義安郡元年更郡名

初吉溫

因李林甫得進

天寶四載吉溫鞫兵部之獄自是得進

及兵部侍郎兼御

史中丞楊釗恩遇浸深溫遂去林甫而附之為釗畫代

林甫執政之策

劉音昭為子偽翻

蕭炆及渾皆林甫所厚也

炆火

迴翻求得其罪使釗奏而逐之以翦其心腹林甫不能救

也五月乙卯賜安祿山爵東平郡王唐將帥封王自

此始

將即亮翻帥所類翻

秋七月乙亥置廣文館於國子監以

教諸生習進士者

時廣文館置博士二員助教一員

八月丁巳以安

祿山兼河北道採訪處置使

朔方節度使張齊丘給

糧失宜軍士怒毆其判官

毆烏路翻

兵馬使郭子儀以身捍

齊丘乃得免

世皆知郭子儀得衆然後能捍免張齊丘而不知當此之時唐之軍政果安在也

癸亥齊丘左遷濟陰太守

濟陰郡曹州
濟子禮翻

以河西節度使

安思順權知朔方節度事 辛卯處士崔昌上言

處昌
呂翻

上時
掌翻

國家宜承周漢以上代火周隋皆閔位不當以其

子孫為二王後事下公卿集議

下還
嫁翻

集賢殿學士衛包

上言集議之夜四星聚於尾天意昭然上乃命求殷周

漢後為三恪廢韓介鄒公

韓元魏後介後周後鄒隋後
鄒戶圭翻孔穎達曰古春秋

左氏說周家封夏殷二王之後以為上公封黃帝堯舜
之後謂之三恪鄭氏云所存二王之後者命使郊天以

天子之禮祭其始祖受命之王自行其正朔服色恪者
敬也敬其先聖而封其後與諸侯無殊異不得比夏殷

後以昌為左贊善大夫包為虞部員外郎 冬十月庚

申上幸華清宮 太白山人王玄翼上言見玄元皇帝

言寶仙洞有妙寶真符

考異曰舊志王鉞奏玄翼見玄元于寶仙洞中遣鉞與張均

王僊王濟王翼王嶽靈于洞中得玉石函上清護國經寶券紀錄等獻之今從實錄云

命刑部尚

書張均等往求得之時上尊道教慕長生故所在爭言

符瑞羣臣表賀無虛月李林甫等皆請捨宅為觀

玩觀古

以祝聖壽上悅 安祿山屢誘奚契丹為設會飲以葭

若酒

本草曰葭若子生海邊川谷今處處有之苗莖高二三尺許葉與地黃紅藍等而二指濶四月開花

紫色苗夾莖有白毛五月結實有殼作罌子狀如小石榴房中子至細青白如米粒毒甚煮一二日而芽方生以釀酒其毒尤甚為于偽翻下先醉而阮之動數千人為同飲于鳩翻茛音浪宕音蕩

函其首長之首以獻前後數四至是請入朝上命有司

先為起第於昭應

時王公皆私置第于昭應獨祿山以承恩命有司起第首慈由翻長知兩

翻朝直遙翻

祿山至戲水

戲許宜翻

楊釗兄弟姊妹皆往迎之冠

蓋蔽野上自幸望春宮以待之辛未祿山獻奚俘八千

人上命考課之日書上上考前此聽祿山於上谷鑄錢

五壚祿山乃獻錢樣千緡

緡彌頻翻

楊釗張易之之甥也

劉音昭考異曰鄭審天寶故事云楊國忠本張易之之子天授中張易之恩幸莫比每歸私第詔令居樓上

仍去其梯母恐張氏絕嗣乃密令女奴蟬珠上樓遂有孕而生國忠其說曖昧無稽今不取奏乞昭

雪易之兄弟易之兄弟誅見二百七卷中宗神龍元年庚辰制引易之兄弟

迎中宗於房陵之功迎中宗非特二張倡其議也事見二百六卷武后聖歷元年復

其官爵考異曰唐歷在七月二十五日今從實錄仍賜一子官釗以圖讖

有金刀請更名讖楚讚翻上賜名國忠十二月乙亥

上還宮關西遊弈使王難得擊吐蕃克五橋拔樹敦

城以難得為白水軍使使疏吏翻吐從瞰入聲樹敦城以古犬戎王樹惇名城隋在吐

谷渾界唐在吐蕃界

安西四鎮節度使高仙芝僞與石國約和

引兵襲之虜其王及部衆以歸悉殺其老弱仙芝性貪

掠得瑟瑟十餘斛

使疏吏翻張揖廣雅曰瑟瑟碧珠也

黃金五六橐駝其

餘口馬雜貨稱是皆入其家

為石國王子扇誘諸國以覆仙芝之師張本稱尺證

翻楊國忠德鮮于仲通

鮮于仲通資給國忠又推轂之事見上卷四載

薦為劔

南節度使仲通性褊急失蠻夷心

褊補典翻

故事南詔嘗與

妻子俱謁都督過雲南雲南太守張虔陀皆私之

過古未翻

雲南郡姚州守式又翻

又多所徵求南詔王閣羅鳳不應虔陀遣

人詈辱之仍密奏其罪閭羅鳳怨怨是歲發兵反攻陷

雲南殺虔陀取夷州三十二

夷州在西南夷附化羈縻之州也

十載春正月壬辰上朝獻太清宮癸巳朝享太廟

載祖

朝直甲子合祭天地於南郊赦天下免天下今年載地稅

上書壬辰癸巳下書丁酉則甲子當作甲午

丁酉命李林甫遙領朔方節度

使以戶部侍郎李暉知留後事庚子楊氏五宅夜遊

楊銛錡及韓號秦三夫人為五宅

與廣平公主從者爭西市門

廣平新書作廣

寧公主上女楊氏奴揮鞭及公主衣公主墜馬駙馬程也從才用翻

昌裔下扶之亦被數鞭公主泣訴於上上為之杖殺楊

氏奴

被皮義翻為于偽翻下司為使為遽為同

明日免昌裔官不聽朝謁

上命有司為安祿山治第於親仁坊

治直之翻

敕令但窮壯

麗不限財力既成具幄帝器皿充牣其中有帖白檀床

二皆長丈闊六尺

本草圖經曰檀香木如檀生南海種有黃白紫之異帝音亦長直亮翻

銀平脫屏風帳方丈六尺於厨廐之物皆飾以金銀金

飯甕二

甕於耕翻缶也

銀淘盆二

淘盆所以浙米

皆受五斗織銀絲筐

及笊篋各一

筐去王翻所以漚米笊側絞翻篋音雖笊篋所以繫釜取食物

它物稱是

稱尺證翻雖禁中服御之物殆不及也上每令中使為祿山

護役

護監護也使疏吏翻下同

築第及造儲侍賜物常戒之曰胡眼

大勿令笑我

侍直里翻大唐佐翻

祿山入新第置酒乞降墨敕請

宰相至第是日上欲於樓下擊毬遽為罷戲命宰相赴

之日遣諸楊與之選勝遊宴侑以梨園教坊樂

梨園皇帝梨園

弟子也教坊內教坊也

上每食一物稍美或後苑校獵獲鮮禽輒

遣中使走馬賜之絡繹於路甲辰祿山生日上及貴妃

賜衣服寶器酒饌甚厚

饌雜繼翻又雜皖翻

後三日召祿山入禁

中貴妃以錦繡為大襁褓裹祿山使宮人以綵輿舁之

襁居兩翻舁羊茹翻

上聞後宮歡笑問其故左右以貴妃三日洗

祿兒對上自往觀之喜賜貴妃洗兒金銀錢復厚賜祿

山盡歡而罷

復扶又翻

自是祿山出入宮掖不禁或與貴妃

對食或通宵不出頗有醜聲聞於外上亦不疑也

聞音問觀

明皇所以待祿山者昏庸之主所不為殆天奪之魄也

考異曰祿山事迹正月二十日祿山生日玄宗及太

真賜祿山器皿衣服件目甚多後三日召祿山入內貴

妃以錦繡繡縛祿山令內人以綵輿舁之宮中歡呼動

地玄宗使人問之報云貴妃與祿兒作三日洗兒玄宗

就觀之大悅因賜貴妃洗兒金銀錢物極歡而罷自是

宮中皆呼祿山為祿兒不禁其出入溫舍天寶亂離西
幸記祿山詔約楊妃誓為子母自虢國已下次及諸王
皆戲祿兒與之促膝娛宴上時聞後宮三千合處喧笑
密偵則祿山果在其內貴戚僚雜未之前聞凡曰釵鬢
皆陷厚利或通宵禁掖暱狎嬪嬙和士開之出入卧內
方此為疎薊城侯之獲廁刑餘又奚足尚王仁裕天寶
遺事云祿山常與妃子同食無所不至帝恐外人以酒
毒之遂賜金牌子繫于臂上每有王公召宴欲沃以巨
觥即祿山以金牌示之

安西節度使高仙芝入朝獻

云準敕戒酒今略取之

所擒突騎施可汗吐蕃酋長石國王竭師王加仙芝開
府儀同三司尋以仙芝為河西節度使代安思順思順
諷羣胡割耳顴面請留已制復留思順於河西

顴力之
翻復扶

又翻

安祿山求兼河東節度二月丙辰以河東節度使

韓休珉為左羽林將軍以祿山代之戶部郎中吉溫見

祿山有寵又附之約為兄弟說祿山曰李右丞相雖以

時事親三兄

天寶元年改侍中為左相中書令為右相李林甫時為右相中書令之職也丞字衍

安祿山第三說式丙翻

不必肯以兄為相溫雖蒙驅使終不得超

擢兄若薦溫於上溫即奏兄堪大任共排林甫出之為

相必矣祿山悅其言數稱溫才於上上亦忘曩日之言

數所角翻忘巫放翻言見上卷四載

會祿山領河東因奏溫為節度副使

知留後以大理司直張通儒為留後判官

大理司直從六品上通儒

帶司直而為河東留後判官是後節鎮有帶六曹尚書有帶三省長官有帶三公三師其屬亦率帶六品以下朝職謂之帶職黃琮曰外官帶職有憲街有檢校憲街自監察御史至御史大夫檢校自國子祭酒至三公唐及五代之制也河東事悉以委之是時楊國忠為御史中丞方

承恩用事祿山登降殿階國忠常扶掖之

掖音亦

祿山與

王鉞俱為大夫鉞權任亞於李林甫祿山見林甫禮貌

頗倨林甫陽以它事召王大夫鉞至趨拜甚謹祿山不

覺自失容貌益恭林甫與祿山語每揣知其情先言之

揣初委翻祿山驚服祿山於公卿皆慢侮之獨憚林甫每見

雖盛冬常汗沾衣林甫乃引與坐於中書廳

廳他經翻中庭曰廳

事言受事察訟于是也漢晉皆作聽事六朝以來乃始加广而徑曰廳

撫以溫言自解披

袍以覆之祿山忻荷言無不盡

覆敷又翻荷下可翻

謂林甫為十

郎

林甫第十

既歸范陽劉駱谷每自長安來必問十郎何言

得美言則喜或但云語安大夫

語牛倨翻

須好檢校輒反手

據牀曰噫嘻我死矣祿山既兼領三鎮賞刑已出日益

驕恣自以曩時不拜太子

事見上卷六載

見上春秋高頗內懼

又見武備墮弛

墮讀曰陳

有輕中國之心孔目官嚴莊

孔目官衙

前吏職也唐世始有此名言凡使司之事一孔一目皆須經由其手也

掌書記高尚

掌書記位

判官下古記室參軍之任

因為之解圖讖勸之作亂

為于偽翻讖楚讚翻

祿山

養同羅奚契丹降者八千餘人謂之曳落河

契欺訖翻又音卑降

戶江翻考異曰祿山事迹云養為已子按養子必無八千之數今不取

曳落河者胡言壯

士也及家僅百餘人皆驍勇善戰一可當百又畜戰馬

數萬匹

驍堅亮翻畜許六翻

多聚兵仗分遣商胡詣諸道販鬻歲

輸珍貨數百萬

輸春遇翻

私作緋紫袍魚袋以百萬計以高

尚嚴莊張通儒及將軍孫孝哲為腹心史思明安守忠

李歸仁蔡希德牛廷玠向潤容

向式亮翻姓也

李庭望崔乾祐

尹子奇何千年武令珣能元皓

能奴代翻何氏姓苑云能姓出自長廣

田

承嗣田乾真阿史那承慶為爪牙尚雍奴人

雍奴天寶元年更名

武清屬范陽郡此因舊縣名書之

本名不危頗有辭學薄遊河朔貧困

不得志常歎曰高不危當舉大事而死豈能齧艸根求

活邪祿山引置幕府出入臥內尚典牋奏莊治簿書

治直

之通儒萬歲之子

張萬歲唐初掌廐牧道儒必非其子或者其孫也否則別又有一張萬歲

孝哲契丹也承嗣世為盧龍小校祿山以為前鋒兵馬

使常大雪祿山按行諸營

校戶教翻使疏
吏翻行下孟翻

至承嗣營寂

若無人入閱士卒無一人不在者祿山以是重之夏

四月壬午劍南節度使鮮于仲通討南詔蠻大敗於瀘

南

瀘水之南也武后垂拱元年置長城縣屬姚州天寶
初更名瀘南縣考異曰楊國忠傳南蠻質子閭羅

鳳亡歸不獲帝怒欲討之國忠薦閬州人鮮于仲通為

益州長史令帥精兵八萬討南蠻按南詔傳七年蒙歸

義死詔閭羅鳳巖雲南王不云常為質子亡歸也九年

姚州自以張虔陀浸之故反時鮮于仲通已為益州長

史國忠傳與南詔傳相時仲通將兵八萬分二道出戎

遼新舊書時如此恐誤

雋州至曲州靖州

分為二道一道出戎州一道出雋州也自戎州開邊縣西行七十里至曲

州自雋州西南行八百餘里渡瀘水曲州本隋之恭州古朱提之地武德八年更名曲州靖州隋屬協州古夜

郎地武德初分協州置靖州雋音隨

南詔王閣羅鳳謝罪請還所俘掠城

雲南而去

去年南詔攻陷雲南城必有夷毀處故請城之以謝罪

且曰今吐蕃大

兵壓境若不許我我將歸命吐蕃雲南非唐有也仲通

不許囚其使進軍至西洱河與閣羅鳳戰軍大敗

使疏

洱乃

士卒死者六萬人仲通僅以身免楊國忠掩其敗

狀仍叙其戰功

考異曰唐歷云令仲通白衣領節度事舊傳無之按既掩敗叙功豈得復白

衣領職閼羅鳳斂戰尸築為京觀觀古遂北臣於吐蕃蠻

語謂弟為鍾吐蕃命閼羅鳳為贊普鍾號曰東帝給以

金印閼羅鳳刻碑於國門言已不得已而叛唐且曰我

世世事唐受其封爵後世容復歸唐當指碑以示唐使

者知吾之叛非本心也其後德宗之世異年尋卒復歸唐復扶又翻制太募

兩京及河南北兵以擊南詔人聞雲南多瘴癘未戰士

卒死者什八九莫肯應募楊國忠遣御史分道捕人連

枷送詣軍所舊制百姓有勲者免征役時調兵既多調徒

弔國忠奏先取高勲於是行者愁怨父母妻子送之所

在哭聲振野高仙芝之虜石國王也石國王子逃詣

諸胡具告仙芝欺誘貪暴之狀誘音酉諸胡皆怒潛引大

食欲共攻四鎮仙芝聞之將蕃漢三萬衆擊大食將即亮翻

云考異曰馬宇段秀實別傳深入七百餘里至恒羅斯

城或作怛與大食遇相持五日葛羅祿部衆叛葛羅祿即葛邏

祿與大食夾攻唐軍仙芝大敗士卒死亡略盡所餘纔

數千人右威衛將軍李嗣業勸仙芝宵遁道路阻隘拔

汗那部衆在前人畜塞路

拔汗那時從仙芝擊大食塞患則翻

嗣業前驅

奮大槌擊之人馬俱斃仙芝乃得過將士相失別將汧

陽段秀實

汧陽郡本隴州隴東郡元年改郡名有汧陽縣蓋元魏所置挺待鼎翻將即亮翻下同汧

口堅

聞嗣業之聲詔曰

詔苦候翻

避敵先奔無勇也全已弃

衆不仁也幸而得達獨無愧乎嗣業執其手謝之留拒

追兵收散卒得俱免還至安西言於仙芝以秀實兼都

知兵馬使為已判官

八月丙辰武庫火燒兵器三十

七萬

考異曰唐厯云四十七萬事今從實錄

安祿山將三道兵六萬

幽州

平盧河東三道

以付契丹以奚騎二千為鄉導

騎奇寄翻下同鄉讀曰嚮過

平盧千餘里至土護真水遇雨

自雄武軍東北渡灤河有古盧龍鎮有斗陁鎮

自古盧龍北經九荆嶺受來城張洪隘度石嶺至奚王帳六百里又東北傍吐護真河五百里至奚契丹牙帳又出檀州燕樂縣東北百八十五里至長城口又北八百里有吐護真河奚王牙帳也

祿山引兵

晝夜兼行三百餘里至契丹牙帳契丹大駭時久雨弓

弩筋膠皆弛大將何思德言於祿山曰吾兵雖多遠來

疲弊實不可用不如按甲息兵以臨之不過三日虜必

降

將即亮翻下同降戶江翻

祿山怒欲斬之思德請前驅效死思德

貌類祿山虜爭擊殺之以為已得祿山勇氣增倍奚復
叛與契丹合夾擊唐兵殺傷殆盡射祿山中鞍折冠簪
失屨獨與麾下二十騎走會夜追騎解得入師州

貞觀三年

以室韋部落置師州治營州之廢陽師鎮
復扶又翻射而亦翻中竹仲翻折而設翻歸罪於左賢

王哥解

哥解蓋自突厥來
降者解戶買翻

河東兵馬使魚承仙而斬之

平盧兵馬使史思明懼逃入山谷近二旬

近其
斬翻

收散卒

得七百人平盧守將史定方將精兵二千救祿山契丹
引去祿山乃得免至平盧麾下皆亡不知所出史思明

出見祿山祿山喜起執其手曰吾得汝復何憂

復扶思又翻

明退謂人曰鄉使早出已與哥解并斬矣

史言史思明之智數過於

安祿山契丹圍師州祿山使思明擊却之冬十月壬子

上幸華清宮楊國忠使鮮于仲通表請已遙領劔南

十一月丙午以國忠領劔南節度使

十一載春正月丁亥上還宮二月庚午命有司出粟

帛及庫錢數十萬緡於兩市易惡錢

考異曰舊紀唐歷時作癸酉今從

實錄先是江淮多惡錢貴戚大商往往以良錢一易惡錢

五載入長安市井不勝其弊

先患薦翻勝音升

故李林甫奏請

禁之官為易取期一月不輸官者罪之于是商賈囂然

不以為便

賈音古囂許驕翻又五刀翻

眾共遮楊國忠馬自言國忠

為之言於上乃更命非鈆錫所鑄及穿穴者皆聽用之

如故

為于偽翻更工衡翻

三月安祿山發蕃漢步騎二十萬擊

契丹欲以雪去秋之恥初突厥阿布思來降

事見上卷元年降戶

江上厚禮之賜姓名李獻忠累遷朔方節度副使賜爵

奉信王獻忠有才略不為安祿山下祿山恨之至是奏

請獻忠帥同羅數萬騎與俱擊契丹

帥讀曰率下同

獻忠恐為

祿山所害白留後張暉請奏留不行

安祿山領河東而張

暉為留後暉知附祿山而巳豈肯從阿思布請哉

獻忠乃帥所部大掠倉庫叛

歸漠北祿山遂頓兵不進

乙巳改吏部為文部兵部

為武部刑部為憲部

戶部侍郎兼御史大夫京兆尹

王鉞權寵日盛領二十餘使宅旁為使院文案盈積吏

求署一字累日不得前中使賜賚不絕於門

使疏吏翻賚來代翻

雖李林甫亦畏避之林甫子岫為將作監鉞子準為衛

尉少卿俱供奉禁中準陵侮岫岫常下之

下遐嫁翻

然鉅事

林甫謹林甫雖忌其寵不忍害也準常帥其徒過駙馬

都尉王繇

王繇同皎之子也帥讀曰率過工禾翻

繇望塵拜伏準挾彈命

中於繇冠折其玉簪以為戲笑

彈徒旦翻命中者先命其處而後中之中竹仲

翻折而設翻

既而繇延準置酒繇所尚永穆公主上之愛女

也

黃琮曰皇女有美名公主或以德或以容或為準親以福壽設名最多又有郡公主小國中國等

為準親

執刀匕

刀匕宰夫之職也杜蕢曰蕢也宰夫也惟刀匕是共為于偽翻下同

準去或謂繇

曰鼠雖挾其父執

稱之為鼠微之也

君乃使公主為之具食

為于

偽翻有如上聞無乃非宜繇曰上雖怒無害至于七郎

王鉞

第七次生所繫不敢不爾鉞弟戶部郎中鐸凶險不法

何鐸

旦翻召術士任海川

任音士姓也

問我有王者之相否

相悉亮翻

海

川懼亡匿鉞恐事洩捕得託以它事杖殺之王府司馬

韋會定安公主之子王繇之同產也

定安公主中宗女下嫁王司徒生繇

又嫁韋濯生會話之私庭鉞使長安尉賈季鄰收會繫獄縊殺

之

縊於計翻

繇不敢言鐸所善邢緯

緯作代翻

與龍武萬騎謀殺

龍武將軍以其兵作亂殺李林甫陳希烈楊國忠前期

二日有告之者夏四月乙酉上臨朝

朝直遙翻

以告狀面授

鉞使捕之鉞意錚在緯所先使人召之日晏乃命賈季

鄰等捕緯緯居金城坊

金城坊朱雀街西第四街之北來第二坊漢顧成廟傳望苑戾

園皆在焉季鄰等至門緯帥其黨數十人持弓刀格鬪突出

帥讀曰率鉞與楊國忠引兵繼至緯黨曰勿傷大夫

言勿傷鉞

所部人也大國忠之僚密謂國忠曰賊有號不可戰也

夫稱鉞之官今人謂私記為號言賊私為緯關且走至皇城西南隅

記歸以相識別謙苦念翻京城之內有皇城會高力士引飛龍禁軍四百至

飛龍禁軍

乘飛龍廐馬者也武后置仗內六擊斬綽捕其黨皆擒
開一曰飛龍以中官為內飛龍使

之國忠以狀白上曰鉞必預謀上以鉞任遇深不應與

同逆李林甫亦為之辯解

為于偽翻

上乃特命原錡不問然

意欲鉞表請罪之使國忠諷之鉞不忍上怒會陳希烈

極言鉞大逆當誅戊子敕希烈與國忠鞠之仍以國忠

兼京兆尹於是任海川韋會等事皆發獄具鉞賜自盡

錡杖死於朝堂

朝直遙翻

錡子準偁流嶺南

偁齒繩翻

尋殺之有

司籍其第舍數日不能徧鉞賓佐莫敢窺其門獨米訪

判官裴冕收其尸葬之

王鉞蓋兼京畿米訪使

初李林甫以陳

希烈易制引為相

事見上卷五載易以跋翻

政事常隨林甫左右晚

節遂與林甫為敵林甫懼會李獻忠叛林甫乃請解朔

方節制且薦河西節度使安思順自代庚子以思順為

朔方節度使

使疏吏翻

五月戊申慶王琮薨贈靖德太子

琮祖宗翻贈字之下逸謚字既曰贈矣無謚字亦可

丙辰京兆尹楊國忠加御

史大夫京畿關內米訪等使凡王鉞所綰使務悉歸國

忠

鉞戶公翻使疏吏翻

初李林甫以國忠微才且貴妃之族故善

遇之國忠與王鉞俱為中丞鉞用林甫薦為大夫故國

忠不悅遂深探邢緯獄

探吐南翻
緯作代翻

令引林甫交私鉞兄

弟及阿布思事狀

令力
丁翻

陳希烈哥舒翰從而證之上由

是疎林甫國忠貴震天下始與林甫為仇敵矣 六月

甲子楊國忠奏吐蕃兵六十萬救南詔

吐從
八聲

救劍南兵

擊破之於雲南克故隰州等三城

考異曰實錄兵部
侍郎魚御史中丞劍

南節度使楊國忠破吐蕃于雲南拔故隰州等三城獻
俘于朝唐歷國忠上言破吐蕃于雲南拔故洪州等三
城按國忠時在長安蓋劍南破吐蕃以國忠領節制故
使之上表獻俘耳時國忠已為大夫云中丞誤也隰州

從實錄捕虜六千三百以道遠簡壯者千餘人及酋長降

者獻之

酋慈由翻長知兩翻降戶江翻

秋八月乙丑上復幸左藏賜

羣臣帛

蜀本作已丑當從之八載已嘗幸左藏賜羣臣帛矣故此書復復扶又翻藏音徂浪翻

癸

巳楊國忠奏有鳳皇見左藏庫屋出納判官魏仲犀言

鳳集庫西通訓門

左藏舊有令丞而已出納判官蓋帝置也是時分立諸使舊來司存之官

尙員莫得舉其職楊國忠方承恩遇領使最多蓋兼領左藏出納使而以魏仲犀為判官也宋白曰天寶二年

始命張瑄充太府出納使閤本太極宮西左藏庫之西則通明門見賢遍翻

九月阿布思入

寇圍永清柵

永清柵亦曰永濟柵在中受降城之西二百里大同川

柵使張元軌

拒却之

使疏吏翻

冬十月戊寅上幸華清宮 己亥改通

訓門曰鳳集門魏仲犀遷殿中侍御史楊國忠屬吏率

以鳳皇得優調

調徒鈞翻

南詔數寇邊蜀人請楊國忠赴

鎮

去年楊國忠領劍南蜀人困于兵故請之數所角翻

左僕射兼右相李林甫奏

遣之國忠將行泣辭上言必為林甫所害貴妃亦為之

請上謂國忠曰卿暫到蜀區處軍事朕屈指待卿還當

入相

屈指計日以待之亦為于偽翻處昌呂翻相息亮翻

林甫時已有疾憂懣不

知所為

懣莫困翻又莫緩翻中煩也

巫言一見上可小愈上欲就視

之左右固諫上乃令林甫出庭中

林甫時蓋臥疾昭應私第

上登降

聖閣遙望

天寶七載十二月以玄元皇帝見于朝元閣改為降聖閣在華清宮中

以紅巾

招之

今富貴之家悅巾率以臘脂染之為真紅色唐之遺俗也

林甫不能拜使人代

拜國忠比至蜀

比必利翻及也

上遣中使召還

中使疏吏翻

至昭應

謁林甫拜於牀下林甫流涕謂曰林甫死矣公必為相

以後事累公

累力瑞翻

國忠謝不敢當汗出覆面

國忠素憚林甫故然

又翻覆敷

十一月丁卯林甫薨上晚年自恃承平以為天下

無復可憂

又翻復扶

遂深居禁中專以聲色自娛悉委政事

於林甫林甫媚事左右迎合上意以固其寵杜絕言路

掩蔽聰明以成其姦妬賢疾能排抑勝已以保其位屢

起大獄誅逐貴臣以張其勢張知亮翻自皇太子以下畏之

側足凡在相位十九年開元二十二年始相林甫至是年凡十九年養成天

下之亂而上不之寤也 庚申以楊國忠為右相兼文

部尚書右相即中書令文部即吏部其判使竝如故判如判度支之類使謂諸使使

疏吏國忠為人彊辨而輕躁無威儀既為相以天下為

已任裁決機務果敢不疑居朝廷攘袂扼腕躁則到翻相息亮翻

朝直遙翻

脫烏貫翻公卿以下願指氣使莫不震懼涉翻自侍御

史至為相

楊國忠兼侍御史在六載七載之間

凡領四十餘使

楊國忠為度支郎領

十五餘使至宰相凡領四十餘使新舊唐史皆不詳載

其職案其拜相制前銜云御史大夫判度支權知太府

卿事魚蜀郡長史劍南節度支度營田等副大使本道

魚山南西道來訪處置使兩京太府司農出納監倉祀

祭木炭宮市長春九成宮等使闕內道及京畿來訪處

置使拜右相魚吏部尚書集賢殿崇玄館學士修國史

太清太微宮使自餘所領又有管當臺省官有才行時

租庸鑄錢等使以是觀之槩可見矣

名

行下

不為已用者皆出之或勸陝郡進士張彖謁國

忠

陝郡本陝州弘農郡天寶元年更郡名陝失冉翻

曰見之富貴立可圖彖曰

君輩倚楊右相如泰山吾以為氷山耳若皎日既出君輩得無失所恃乎遂隱居嵩山國忠以司勳員外郎崔

圓為劔南留後徵魏郡太守吉溫為御史中丞充京畿

關內採訪等使

魏郡魏州京畿關內先置兩採訪使今令溫兼充

溫請范陽辭

安祿山

魏郡屬河北道來訪使時祿山魚來訪使故溫往辭

祿山令其子慶緒送

至境為溫控馬出驛數十步

為于偽翻

溫至長安凡朝廷動

靜輒報祿山信宿而達十二月楊國忠欲收人望建

議文部選人無問賢不肖選深者留之依資據闕注官

選須絹翻

考異曰唐歷北數在十月二十七日統紀在七月舊紀十二月甲戌國忠奏請兩京選人銓日便

定留放無長名按國忠作相始

文部尚書七月未也今從舊紀滯淹者翕然稱之國

忠凡所施置皆曲徇人所欲故頗得衆譽 甲申以平

盧兵馬使史思明兼北平太守充盧龍軍使

使疏

丁

亥上還宮

還自華清宮

考異曰本紀唐

丁酉以安

西行軍司馬封常清為安西四鎮節度使

唐制行軍司馬位節度副

使之上天寶以後

哥舒翰素與安祿山安思順不協

上常和解之使為兄弟是冬三人俱入朝

朝直

上使高

力士宴之於城東祿山謂翰曰我父胡母突厥公父突厥母胡族類頗同何得不相親翰曰古人云狐向窟嗥不祥為其忘本故也

厥九勿翻窟苦骨翻嗥戶刀翻為于偽翻

兄苟見親翰

敢不盡心祿山以為譏其胡也大怒罵翰曰突厥敢爾翰欲應之力士目翰翰乃止陽醉而散自是為怨愈深

隸王琰有二孺人爭寵

曲禮大夫之妻曰孺人注孺之言屬正義曰孺屬也言其

為親屬唐制親王有孺人二人視正五品孺而樹翻

其一使巫書符置琰履中以

求媚琰與監院官者有隙

時諸皇子列宿禁城之北宦者監之監古街翻

官者

知之密奏琰祝詛上上使人掩其履而獲之大怒琰頓

首謝臣實不知有符上使鞠之果孺人所為上猶疑琰

知之囚于鷹狗坊

鷹狗坊屬開府使

絕朝請

朝直選翻

憂憤而薨

故事兵吏部尚書知政事者

知政事即宰相之職

選事悉委侍郎

以下

選須絹翻

三注三唱仍過門下省審自春及夏其事乃

畢

唐制六品以下赴選始集而試觀其書判已試而銓察其身言已銓而注詢其便利而擬已注而唱不厭

者得反通其辭三唱而不厭者聽冬集厭者為甲上于僕射乃上門下省給事中讀之黃門侍郎省之侍中審

之然後以聞主者受旨而奉行焉謂之奏受省悉景翻

及楊國忠以宰相領文部

尚書欲自示精敏乃遣令史先於私第密定名闕

十二載春正月壬戌國忠召左相陳希烈及給事中諸

司長官皆集尚書都堂

尚書都堂尚書都省之堂也長知兩翻

唱注選人

一日而畢曰今左相給事中俱在座已過門下矣

左相即侍

中與給事皆門下省官

其間資格差謬甚衆無敢言者於是門下

不復過官

復扶又翻

侍郎但掌試判而已侍郎韋見素張倚

趨走門庭與主事無異

吏部主事四人吏職也

見素湊之子也

韋湊

見二百十卷唐宗景雲元年

京兆尹鮮于仲通諷選人請為國忠刻

頌立於省門制仲通撰其辭上為改定數字

撰士免翻為于偽翻

仲通以金填之

楊國忠使人說安祿山

說式芮翻

誣李林

甫與阿布思謀反祿山使阿布思部落降者詣闕誣告

林甫與阿布思約為父子上信之下吏按問

降戶江翻下戶嫁翻

林甫壻諫議大夫楊齊宣懼為所累

累力瑞翻

附國忠意證

成之時林甫尚未葬二月癸未制削林甫官爵子孫有

官者除名流嶺南及黔中

黔音琴

給隨身衣及糧食自餘

貲產並沒官近親及黨與坐貶者五十餘人剖林甫棺

挾取含珠襖金紫

挾於穴翻含戶紺翻襖救劣翻

更以小棺如庶人禮

葬之

更工衡翻

己亥賜陳希烈爵許國公楊國忠爵魏國公

賞其成林甫之獄也

夏五月己酉復以魏周隋後為

三恪

改三恪見上九載

楊國忠欲攻李林甫之短也衛包以助

邪貶夜郎尉

夜郎縣屬濤州貞觀十六年開山洞置

崔冒貶烏雷尉

烏雷縣帶

陸州

阿布思為回紇所破安祿山誘其部落而降之

誘音

西降戶

由是祿山精兵天下莫及壬辰以左武衛大

將軍何復光將嶺南五府兵

五府廣桂邕容交將即亮翻

擊南詔

安祿山以李林甫狡猾踰已故畏服之及楊國忠為相祿山視之蔑如也

蔑無也言覓之若無也

由是有隙國忠屢言祿

山有反狀上不聽隴右節度使哥舒翰擊吐蕃拔洪濟

大漠門等城悉收九曲部落

吐蕃得九曲地見二百十卷睿宗景雲元年廓州西

南百四十里有洪濟橋

初高麗人王思禮與翰俱為押牙事王

忠嗣翰為節度使思禮為兵馬使兼河源軍使

麗力知翻使疏

翻吏翰擊九曲思禮後期翰將斬之既而復召釋之思禮

徐曰斬則遂斬復召何為

復扶又翻

楊國忠欲厚結翰共排

安祿山奏以翰兼河西節度使秋八月戊戌賜翰爵西

平郡王翰表侍御史裴冕為河西行軍司馬是時中國

盛彊自安遠門西盡唐境萬二千里

長安城西面北來第一門曰安遠門

本隋之開遠門也西盡唐境萬二千里併西域內屬諸國言之

問閭相望桑麻翳野天

下稱富庶者無如隴右翰每遣使入奏常乘白橐駝日

馳五百里

使疏吏翻

九月甲辰以突騎施黑姓可汗登里

伊羅蜜施為突騎施可汗北庭都護程千里追阿布

思至磧西以書諭葛邏祿使相應

磧七迹翻邏郎佐翻

阿布里窮

迫歸葛邏祿葛邏祿葉護執之并其妻子麾下數千人

送之甲寅加葛邏祿葉護頓毗伽開府儀同三司賜爵

金山王 冬十月戊寅上幸華清宮

考異曰舊紀唐
歷皆作戊申按長

歷是月無戊申今從實錄
然實錄在辛巳後蓋誤

楊國忠與朔國夫人居第相

鄰

號國居宣陽坊國
忠居第在其西

晝夜往來無復期度或並轡走馬

入朝不施鄣幕

婦人出必有鄣幕以自蔽
復扶又翻朝直遙翻下同

道路為之掩

目三夫人將從車駕幸華清宮

三夫人韓號秦
也為于偽翻

會於國

忠第車馬僕從充溢數坊

從才
用翻

錦繡珠玉鮮華奪目國

忠謂客曰吾本寒家一旦緣椒房至此未知稅駕之所

然念終不能致令名不若且極樂耳楊氏五家隊各為

一色衣以相別

樂音洛別
彼列翻

五家合隊粲若雲錦

合音

國

忠仍以劔南旌節引于其前國忠子暄舉明經學業荒

陋不及格禮部侍郎達奚珣畏國忠權勢遣其子昭應

尉撫先白之撫伺國忠入朝上馬

伺相吏翻
上時掌翻

趨至馬下

國忠意其子必中選有喜色撫曰大人白相公郎君所

試不中程式然亦未敢落也

落謂黜落也
中竹仲翻

國忠怒曰我

子何患不富貴乃令鼠輩相賣策馬不顧而去撫惶遽書白其父曰彼恃挾貴勢令人慘嗟安可復與論曲直

復扶又翻

遂置暄上第及暄為戶部侍郎珣始自禮部遷吏

部暄與所親言猶歎已之淹回珣之迅疾國忠既居要地中外餉遺輻湊

遺于李翻

積纁至三十萬匹上在華清

宮欲夜出遊龍武大將軍陳玄禮諫曰宫外即曠野安

可不備不虞陛下必欲夜遊請歸城闕上為之引還

為于

偽翻還從宣翻又如字下同

是歲安西節度使封常清擊大勃律

至菩薩勞城

新舊書並作賀菩勞城
菩薄胡翻薩桑葛翻

前鋒屢捷常清乘

勝逐之斥候府果毅段秀實諫曰

新書作隴州大堆
府果獲此從舊書

虜

兵羸而屢北誘我也

羸倫為翻
誘音酉

請搜左右山林常清從

之果獲伏兵遂大破之受降而還

中書舍人宋昱知

選事前進士廣平劉廼以選法未善

廣平郡本洛州武
安都天寶元年更

名選須
絹翻

上書於昱以為禹稷臯陶同居舜朝猶曰載采

有九德考績以九載

書臯陶曰亦行有九德亦言其人
有德乃言曰載采采禹曰何臯陶

曰寬而栗柔而立愿而恭亂而敬擾而毅直而溫簡而
廉剛而塞彊而義彰厥有常吉哉又舜典曰三載考績

三考黜陟幽明三考九載也上近代主司察言於一幅
時掌翻陶余招翻九載子亥翻

之判觀行於一揖之間何古今遲速不侔之甚哉借使

周公孔子今處銓廷銓廷謂吏部銓量選人之所處昌呂翻考其辭華則

不及徐庾徐陵庾信唐正元大觀其利口則不若嗇夫

嗇夫事見十四何暇論聖賢之事業乎
卷漢文帝三年

資治通鑑卷二百一十六

欽定四庫全書舊要卷七千二百三

史部

資治通鑑卷二百一十七 宋 司馬光 撰

胡三省 音註

唐紀三十三

起開元
逢敦牂
盡癸兆
君
難四月
凡二年
有奇

玄宗至道大聖大明孝皇帝下之下

十三載

卷首當書天寶
年號載于亥翻

春正月己亥安祿山入朝

朝直
遙翻

考異曰肅宗實錄十二載楊國忠屢言祿山潛圖悖
逆五月玄宗使輔璆琳伺之祿山厚賂璆琳盛言祿山

忠於國國忠又言祿山自此不復見矣玄宗手詔追祿
山祿山來朝舊傳亦同按玄宗實錄并祿山事迹遣璆

琳送甘子于范陽覘祿山反狀在十四載五月是時楊而肅宗實錄及舊傳云十二載誤也今從唐懋

國忠言祿山必反且曰陛下試召之必不來上使召之

祿山聞命即至庚子見上於華清宮

見賢通鑑

泣曰臣本胡

人陛下寵擢至此為國忠所疾臣死無日矣上憐之賞

賜巨萬由是益親信祿山國忠之言不能入矣太子亦

知祿山必反言於上上不聽甲辰太清宮奏學士李

琪

此崇玄館學士也

見玄元皇帝乘紫雲告以國祚延昌唐

初詔勅皆中書門下官有文者為之乾封以後始召文

士元萬頃范履冰等草諸文辭常於北門候進止時人謂之北門學士中宗之世上官昭容專其事上即位始置翰林院密邇禁廷延文章之士下至僧道書畫琴棋數術之工皆處之謂之待詔

處昌呂翻

刑部尚書張均及弟

太常卿均皆翰林院供奉

唐天子在大明宮翰林院在右銀臺門內在興慶宮院在

金明門內若在西內院在顯福門內若在東都及華清宮皆有待詔之所其待詔者有詞學經術合練僧道士祝術藝書奕各別院以廩之日晚而退其所重者詞學帝即位以來張說陸堅張九齡徐安貞張均等召入禁中謂之翰林待詔王者尊極一日萬機四方進奏中外表疏批答或詔從中出宸翰所揮亦資其檢討謂之視

草故常簡當局四人以備顧問至德以後天下用兵多
務深謀密詔皆從中出名曰翰林學士得充選者文士
為榮亦如中書舍人例置學士六人內擇年深德重者
一人為承旨所以獨當密命故也德宗好文尤難其選
貞元以後為學士承旨者多
至宰相尚辰羊翻珀巨其翻

已令張垧草制楊國忠諫曰祿山雖有軍功目不知書

豈可為宰相制書若下

令力丁翻相悲亮翻下遐稼翻

恐四夷輕唐上

乃止乙巳加祿山左僕射

射寅謝翻

賜一子三品一子四品

官 丙午上還宮

還自華清宮還從宣翻又音如字

安祿山求魚領

閑廐羣牧庚申以祿山為閑廐隴右羣牧等使

使疏吏翻下同

祿山又求兼總監

此郡牧總監也唐有四十八監以牧馬或曰此總監即苑總監

壬戌

兼知總監事祿山奏以御史中丞吉溫為武部侍郎

武部

即兵部

充開廐副使楊國忠由是惡溫

惡烏路翻

祿山密遣親

信選健馬堪戰者數千匹別飼之

飼祥史翻

二月壬申上

朝獻太清宮上聖祖尊號曰大聖祖高上大道金闕玄

元天皇太帝

朝直遙翻上聖之上時掌翻下以義推

癸酉享太廟上高祖

謚曰神堯大聖光孝皇帝太宗謚曰文武大聖大廣孝

皇帝高宗謚曰天皇大聖大弘孝皇帝中宗謚曰孝和

大聖大昭孝皇帝睿宗謚曰玄真大聖大興孝皇帝以
漢家諸帝皆謚孝故也甲戌羣臣上尊號曰開元天地
大寶聖文神武證道孝德皇帝

凡上尊號上謚之上皆時掌翻

赦天下

丁丑楊國忠進位司空甲申臨軒冊命 己丑安祿

山奏臣所部將士討奚契丹九姓同羅等勲効甚多

將即

亮翻契欺訖
翻又音喫

乞不拘常格超資加賞仍好寫告身付臣

軍授之於是除將軍者五百餘人中郎將者二千餘人
祿山欲反故先以此收衆心也三月丁酉朔祿山辭歸

范陽

舊志范陽在京師東北二十五百二十里

上解御衣以賜之祿山受之

驚喜恐楊國忠奏留之疾驅出關

出潼關

乘船沿河而下

令船夫執繩板立於岸側

凡挽船夫用板長二尺許斜搭肩前一端至肩一端至脇

繩貫板之兩端以接船絳而挽之

十五里一更

更工衡翻易也

晝夜兼行日數

百里過郡縣不下船自是有言祿山反者上皆縛送由

是人皆知其將反無敢言者祿山之發長安也上令高

力士餞之長樂坡

長樂坡即產坡在長安城東樂音洛

及還上問祿山慰

意乎對曰觀其意怏怏必知欲命為相而中止故也

於怏

兩翻相上以告國忠曰此議它人不知必張洎兄弟告

之也

國忠之下更有國忠二字文意乃明

上怒貶張均為建安太守洎為

盧溪司馬洎弟給事中洎為宜春司馬

建安郡隋為泉州唐改曰閩州

別置泉州帝改閩州為福州長樂郡以建州為建安郡

盧溪郡辰州舊志建安郡京師東南四千九百三十五

里盧溪郡京師南三千四百五里城昌六翻考異曰

唐歷云洎常贊相禮儀雍容有度上心悅之翌日謂洎

曰朕罷希烈相以卿待之洎曰不敢貴妃在坐告國忠

斥之舊洎傳天寶中玄宗常幸洎內宅謂洎曰希烈累

辭機務朕擇其代者孰可洎錯愕未對帝即曰無踰吾

愛婿矣洎降階陳謝楊國忠聞而惡之及希烈罷相舉

韋見素代洎洎深觖望按本紀三月丁酉洎貶官韋見

素八月乃知政事而云洎深觖望舊傳誤也明皇雜錄

云上幸張垧宅謂垧曰中外大臣才堪宰輔者與我悉
數吾當舉而用之垧遂巡不對上曰固無如愛子婿垧
降階拜舞上曰即舉成命既逾月垧頗懷怏怏意其為
李林甫所排會祿山自范陽入覲祿山潛賂貴妃求帶
平章事上不許垧因私第備言上前時行幸內第面許
相垧與明公同制入輔今既中變當必為奸臣所排祿
山大懷恚怒明日謁見因流涕請罪上慰勉久之因問
其故祿山具以垧所陳對上命高力士送歸馬亦以怏
怏間由是上怒按李哥舒翰亦為其部將論功為于偽
林甫時已死亦誤也

亮勅以隴右十將特進火拔州都督燕山郡王火拔歸

仁為驃騎大將軍

十將亦唐中世以來軍中將領之職名火拔突厥別部也開元中置火拔

州唐制特進文散階正二品驃騎大將軍武河源軍使

散階從二品燕因肩翹驃匹妙翹騎奇寄翹

王思禮加特進臨洮太守成如璆討擊副使范陽魯炆

臯蘭府都督渾惟明並加雲麾將軍

貞觀中鐵勒來降以渾部置臯蘭都

督府雲麾將軍武散階從三品上洮土刀翻守式又翻珍音求炆火迴翻

隴右討擊副使郭

英又為左羽林將軍英又知運之子也翰又奏嚴挺之

之子武為節度判官河東呂諲為支度判官

諲伊真翻

前封

丘尉高適為掌書記安邑曲環為別將

河東郡蒲州唐制邊軍有支度

使以計軍資糧仗之用其屬有判官巡官封丘縣漢晉以來屬陳留唐屬汴州安邑縣屬蒲州姓譜晉穆侯字成師封於曲沃其後氏焉漢有代郡太守曲謙貨殖傳有曲叔將即亮翻

程千里執阿布

思獻於闕下斬之甲子以千里為金吾大將軍以封常

清權北庭都護伊西節度使夏四月癸巳安祿山奏

擊奚破之虜其王李日越六月乙丑朔日有食之不

盡如鉤侍御史劔南留後李宓楊國忠領劔南節度使以宓為留後宓音

密又將兵七萬擊南詔閣羅鳳誘之深入至太和城新書

作大和城夷語山陂陀謂和故謂大和閣羅鳳所居也將即亮翻誘音酉閉壁不戰宓糧盡

士卒罹瘴疫及飢死什七八乃引還還從宣翻又如字蠻追擊

之宓被擒被皮義翻全軍皆沒楊國忠隱其敗更以捷聞益

發中國兵討之前後死者幾二十萬人

并鮮于仲通之敗死者有此數

幾居依翻

無敢言者上常謂高力士曰朕今老矣朝事付之

宰相邊事付之諸將夫復何憂

朝直遙翻相息亮翻將即亮翻夫音扶復扶又

翻

力士對曰臣聞雲南數喪師又邊將擁兵太盛陛下

將何以制之臣恐一旦禍發不可復救

數所角翻喪息浪翻復扶又翻

何得謂無憂也上曰卿勿言朕徐思之

高力士之言明皇豈無所動於

其心哉禍機將發直付之無可奈何侥幸其身之不及見而已

秋七月癸丑哥舒翰

奏於所開九曲之地置洮陽澆河二郡及神策軍以臨

洮太守成如璆兼洮陽太守充神策軍使

洮陽洮河二郡皆置於洮

廓二州西南廓州本洮河郡天寶元年更名寧塞郡洮州西八十里唐環州置神策軍新書曰洮河郡置於積

石之西洮堅堯翻

楊國忠忌陳希烈希烈累表辭位上欲以

武部侍郎吉溫代之國忠以溫附安祿山奏言不可以

文部侍郎韋見素和雅易制

易音以鼓翻

薦之八月丙戌以

希烈為太子太師罷政事

陳希烈遂以此怨望降賊

以見素為武部

尚書同平章事

考異曰舊見素傳曰時楊國忠用事左相陳希烈畏其權寵凡事唯諾無敢

發明玄宗知之不悅天寶十三年秋霖雨六十餘日天子以宰相或未稱職見此咎議命楊國忠精求端士時

兵部侍郎吉溫方承寵遇上意欲用之國忠以溫祿山賓佐懼其威權奏寢其事國忠訪於中書舍人竇華宋昱等華昱言見素方雅柔而易制上亦以經事相王府有舊恩可之希烈傳曰國忠用事素忌疾之乃引韋見素同列罷希烈知政事按明皇若惡希烈阿徇國忠當更自擇剛直之士豈得尚卜相於國忠今從希烈傳

自去歲水旱相繼關中大飢楊國忠惡京兆尹李峴

不附已以災沴歸咎於峴九月貶長沙太守

惡烏路翻沴音戾長

沙郡潭州舊志長沙郡京峴禕之子也

信安王禕開元初以軍功有寵

於上禕呼韋翻

上憂雨傷稼國忠取禾之善者獻之曰雨雖多

不害稼也上以為然扶風太守房瑄言所部水災

扶風郡岐

州國忠使御史推之

宋白曰唐故事侍御史各二人知東西推又各分京城諸司及諸道

州府為東西之限隻日則臺院受事雙日則殿院受事又有監察御史出使推按謂之推事御史

是歲

天下無敢言災者高力士侍側上曰淫雨不已

賈公彥曰雨三

日已上

卿可盡言對曰自陛下以權假宰相賞罰無章

日淫

陰陽失度臣何敢言上默然

冬十月乙酉上幸華清

宮

十一月己未置內侍監二貳正三品

唐制宮官不得過三品置

內侍四人從四品上中官之貴極於此矣至帝始隳其制楊思勗以軍功高力士以恩寵皆拜大將軍階至從一品猶曰勳官也今置內侍監正三品則職事官矣

河東太守兼本道采訪使

韋陟斌之兄也

使疏吏翻斌音彬

文雅有盛名楊國忠恐其入

相

相息亮翻

使人告陟賊汚事下御史按問陟賂中丞吉溫

使求救於安祿山復為國忠所發

下遐嫁翻復扶又翻

閏月壬寅

貶陟桂嶺尉溫澧陽長史

桂嶺漢臨賀縣地隋置桂嶺縣唐屬賀州澧陽郡澧州舊

志澧陽郡京師東南一千八百九十三里

安祿山為溫訟冤

為于偽翻

且言國忠讒

疾上兩無所問

戊午上還宮

是歲戶部奏天下郡

三百二十一縣千五百三十八鄉萬六千八百二十九

戶九百六萬九千一百五十四口五千二百八十八萬

四百八十八

有唐戶口之
盛極於此

十四載春正月蘇毗王子悉諾邏去吐蕃來降

新書曰
蘇毗吐

蕃
邏郎佐翻

二月辛亥安祿山使副將何千年入奏請

以蕃將三十二人代漢將上命立進畫

進畫者命中書
為發日勅進請

御畫而行之唐六典中書掌王言其制有七其四曰發
日勅正謂御畫發日勅也增減官負廢置州縣除免官
爵授六品以下官
則用之將即亮翻給告身章見素謂楊國忠曰祿山久

有異志今又有此請其反明矣明日見素當極言上未

允公其繼之國忠許諾士子國忠見素入見

入見賢
遍翻上

迎謂曰卿等有疑祿山之意邪見素因極言祿山反已
有迹所請不可許上不悅國忠逡巡不敢言逡七倫翻上竟

從祿山之請它日國忠見素言於上曰臣有策可坐消

祿山之謀今若除祿山平章事召詣闕以賈循為范陽

節度使呂知誨為平盧節度使楊光翽為河東節度使

使疏吏翻
翻呼會翻

則勢自分矣上從之已草制上留不發更遣

中使輔瑒琳以珍果賜祿山潛察其變

輔姓也左傳晉
有大夫輔蹠又

智果別族為輔氏即考異前所
引以甘子賜祿山事瑒音求

瑒琳受祿山厚賂還盛

言祿山竭忠奉國無有二心

還從宣翻
又音如字

上謂國忠等曰

祿山朕推心待之必無異志東北二虜藉其鎮遏朕自

保之卿等勿憂也事遂寢

考異曰實錄正月辛巳祿山表請以蕃將三十人代漢

將上遣中使袁思藝宣付中書令即日進畫便寫告身

楊國忠韋見素相謂曰流言傳祿山有不臣之心今又

請代漢將其反明矣乃請陳事既見上先曰卿等有疑

祿山之意邪國忠等遽走下階垂涕具陳祿山反狀因

以祿山表留上前而出俄頃上又令袁思藝宣曰此之

一奏姑容之朕徐為圖之國忠奉詔自後國忠每對未

常不懇請其事國忠曰臣有一策可銷其難伏望下制

以祿山帶左僕射平章事追赴朝廷以賈循等分帥三

道上許之草制訖留之未行上潛令輔瑒琳送甘子私

候其狀還固稱無事其制遂寢先是上引宰相對見常

置白麻於座前及璆琳還上乃謂宰臣曰祿山公無二
心其制朕已焚矣後璆琳受祿山賄事泄上因祭龍堂
遣備儲具責以不虔乃命左右撲殺之始有疑祿山意
祿山事迹云請不以蕃將代漢將論祿山反狀及請追
祿山赴闕並是章見素之意旨國忠曾無預焉仍語見
素曰祿山出自寒微位居衆上時所忌嫉成疑似耳見
素曰公若實為此見社稷危矣將至上前懇論見素約
以事如未諧公繼之國忠都無一言俯俛而退見素却
到中書嗚咽流涕此非他也國忠要祿山速反以明已
之先見耳宋巨玄宗幸蜀記云是年春二月二十二日
辛亥祿山使何千年表請以蕃將三十二人代漢將掌
兵其日宰相韋見素楊國忠在省見素慘然國忠問曰
堂老何色之戚也見素曰祿山逆狀行路共知今以蕃
酋代漢將是亂將作矣與公位當此地能無戚乎國忠
於是亦惘然久之乃曰與奪之間在於宸斷豈我輩所
能是非邪見素曰知禍之萌而不能防亦將焉用彼相

矣明日對見僕必懇論冀其萬一若不允子必繼之國
忠曰事則不諧恐虛犯龍顏自貽伊戚見素曰如正其
言而獲死猶愈於阿從而偷生豈日壬子二相入對見
素言祿山潛貯異圖迹已昭彰因扣頭流涕久之國忠
但俯俛逡巡更無所補上不悅遂以他事議之既退還
省見素謂國忠曰聖意未回計將安出國忠曰祿山未
必有反意但時所誹疾便成疑似耳見素曰公若為此
見社稷危矣遂憫然不言二十四日癸丑上又使思藝
宣旨令且依此發遣卿等所議後別籌之自是見素數
奏其凶狀三月己未朔見素請以祿山同中書門下平
章事追赴闕庭及輔瑒琳送甘子祿山給瑒琳曰主上
耄年信任非次國忠之輩苟徇禁班今若進逆耳之言
苦口之藥以吾之心事將無益今欲耀兵彊諫以迹騫
拳此意決矣祿山以物贈瑒琳瑒琳既受金帛及還奏
曰祿山盡忠奉國必無二心特望官家不以東北為慮
上然之謂宰臣曰祿山朕自得之卿勿憂也見素起曰

臣忤拂聖旨替贖大臣罪合萬死然愚者千慮或有一中願陛下審察之自餘與實錄及事迹所述略同按祿山方賂珍琳泯其反迹安肯對之遽出悖語又國忠平日數言祿山欲反此際安得不與見素同心蓋所謂天

下之惡皆歸焉者循華原人也時為節度副使隴右也今取其可信者

河西節度使哥舒翰入朝道得風疾遂留京師家居不出三月辛巳命給事中裴士淹宣慰河北夏四月

安祿山奏破奚契丹

契丹訖翻

癸巳以蘇毗王子悉諾邏

為懷義王賜姓名李忠信安祿山歸至范陽朝廷每

遣使者至皆稱疾不出迎

朝直遥翻使疏吏翻

盛陳武備然後見

之裴士淹至范陽二十餘日乃得見無復人臣禮

又復扶

又如楊國忠日夜求祿山反狀使京兆尹圍其第

異曰考

肅宗實錄國忠日夜伺求祿山反狀或矯詔以兵圍其

宅或令府縣捕其門客李起安武李方來等皆令侍御

史鄭昂之陰推劾潛槌殺之慶宗尚郡主又供奉在京

密報其父祿山轉懼唐厯是夏京兆尹李岷貶零陵太

守先是楊國忠使門客蹇昂何盈求祿山陰事命京兆

尹圍捕其宅得安武李方來等與祿山反狀使侍御史

鄭昂之縊殺之祿山怒使嚴莊上表自理具陳國忠罪

狀二十餘事上懼其生變遂歸過於岷以安之安祿山

事迹與唐厯同外有命京兆尹李岷於其宅得李起安

武李方來等又貶吉溫為澧陽長史以激怒祿山幸其

連反上竟不之悟玄宗幸蜀記與事迹同按李岷傳十

三載連雨六十餘日國忠歸咎京兆尹貶長沙太守新

宗室宰相傳楊國忠使客蹇昂何盈摘安祿山陰事諷京兆捕其第得安祿李方來等與祿山反狀縊殺之祿山怒上書自言帝懼變出捕祿山客李超等送御史臺覘為零陵太守令從實錄

獄潛殺之祿山子慶宗尚宗女榮義郡主供奉在京師

在京師為太僕卿得隨供奉官班見密報祿山祿山愈懼六月上以其子

成昏手詔祿山觀禮祿山辭疾不至秋七月祿山表獻

馬三千匹每匹執控夫二人遣蕃將二十二人部送

以欲

京師也河南尹達奚珣疑有變奏請諭祿山以進車馬宜

俟至冬官自給夫無煩本軍於是上稍寤始有疑祿山

之意會輔璆琳受賂事亦泄上託以他事撲殺之上遣

中使馮神威齎手詔諭祿山如珣策

撲弼角翻使疏吏
翻考異曰祿山

事迹作承咸今且曰朕新為卿作一湯自天寶六載以
來華清宮中益
從玄宗幸蜀記
治湯井池臺觀環列山谷御湯曰九龍殿亦曰蓮花湯
明皇雜錄曰明皇幸華清宮新廣湯制作宏麗安祿山
於范陽以白玉石為魚龍鳧雁仍以石梁及蓮花同獻
雕鍋巧妙殆非人功上大悅命陳於湯中仍以石梁橫
亘湯上而蓮花纔出於水際上至其所解衣欲入而蓮
龍鳧雁皆若奮鱗舉翼狀欲飛動上恐遽命撤去而蓮
花至今猶存又常於宮中置長湯數十間屋皆周回甃
以文石為銀鏤漆船及白木香船實於其中至於楫棹
皆飾以珠玉又於湯中累瑟瑟及沈香為山以狀瀛洲
方丈津陽門詩注曰宮中除供奉兩湯外內更有湯十

六所長湯每賜諸嬪御其修廣與諸湯不侔瑤以文瑤
密石中央有玉蓮花捧湯噴以成池又縫綴錦繡為鳧
雁置於水中上時於其間泛銀鏤小舟以嬉遊焉次西
曰太子湯又次西宜春湯又次西長湯十六所今唯太
子少陽二湯存焉又有玉女殿湯今石
星痕湯玉名甕湯所出也為于偽翻

十月於華清宮

待卿神威至范陽宣旨祿山踞牀微起亦不拜曰聖人

安隱

聖人謂上唐隱讀曰穩也帖多有寫穩字為隱字者

又曰馬不獻亦可十月

灼然詣京師即令左右引神威置館舍不復見數日遣

還亦無表神威還見上泣曰臣幾不得見大家

復扶又翻幾居

依翻

八月辛卯免今載百姓租庸冬十月庚寅上幸

華清宮

考異曰舊紀壬辰今從實錄新紀

安祿山專制三道陰蓄異

志殆將十年以上待之厚欲俟上晏駕然後作亂會楊

國忠與祿山不相悅屢言祿山且反上不聽國忠數以

事激之

數所角翻

欲其速反以取信於上祿山由是決意遽

反獨與孔目官太僕丞嚴莊掌書記屯田員外郎高尚

將軍阿史那承慶密謀自餘將佐皆莫之知但怪其自

八月以來屢饗士卒秣馬厲兵而已曾有奏事官自京

師還祿山詐為勅書悉召諸將示之曰有密旨令祿山

將兵入朝討楊國忠

將即亮翻朝直遙翻

諸君宜即從軍衆愕然

相顧莫敢異言十一月甲子祿山發所部兵及同羅奚

契丹室韋凡十五萬衆號二十萬反於范陽

考異曰平致美薊

門紀亂曰自其年八月後慰諭兵士唐厲戈矛頗異於常識者竊怪矣至是祿山勒兵夜發將出命屬官等謂曰奏事官胡逸自京回奉密旨遣祿山將隨身兵馬入朝求莫令那人知羣公勿怪便請隨軍那人意楊國忠也

命范陽節度副使賈循守范陽平盧節度副使呂知

誨守平盧別將高秀巖守大同

中受降城西二百里有大同川又代州北有大

同軍去太原八百餘里新志大同軍在朔州馬邑縣按宋白續通典中受降城西之大同川乃隋大同城之舊

墟開元五年分善陽縣東三十里置大同諸將皆引兵

軍以戍邊復於軍內置馬邑縣直代州北

夜發詰朝祿山出薊城南

詰去吉翻大閱誓衆以討楊

國忠為名榜軍中曰有異議扇動軍人者斬及三族於

是引兵而南祿山乘鐵輦步騎精銳煙塵千里鼓譟震

地

輦與輿同騎寄翻譟蘇到翻

時海內久承平百姓累世不識兵革

猝聞范陽兵起遠近震駭河北皆祿山統內

祿山魚河北道來訪

使所過州縣望風瓦解守令或開門出迎

守式又翻

或乘城

竄匿或為所擒戮無敢拒之者祿山先遣將軍何千年

高邈將奚騎二十聲言獻射生手乘驛詣太原乙丑北

京副留守楊光翺出迎因劫之以去

考異曰肅宗實錄云先令千年領

壯士數千人詐稱獻俘以車千乘包旌旗戈甲器械先俟于河陽橋不見後來所用又千年時方詣太原執楊光翺未暇向河陽也今不取薊門紀亂云是月太原具甲午縛光翺按是月有甲子安得甲午今不取太原具

言其狀東受降城亦奏祿山反上猶以為惡祿山者詐為

之

降戶江翻
惡鳥路翻

未之信也庚午上聞祿山定反乃召宰相謀

之楊國忠楊揚有德色

蜀本作得
色當從之

曰今反者獨祿山耳將

士皆不欲也不過旬日必傳首詣行在上以為然大臣相

顧失色上遣特進畢思琛詣東京

琛丑林翻

金吾將軍程千里

詣河東各簡募數萬人隨便團結以拒之辛未安西節度

使封常清入朝

朝直遙翻

上問以討賊方略常清大言曰今太

平積久故人望風憚賊然事有逆順勢有奇變臣請走馬

詣東京開府庫募驍勇挑馬箠度河

驍堅堯翻挑徒刁翻箠止築翻

計日

取逆胡之首獻闕下上悅壬申以常清為范陽平盧節度

使常清即日乘驛詣東京募兵旬日得六萬人乃斷河陽

橋為守禦之備

斷音短

甲戌祿山至博陵南

博陵郡本定州高陽郡天寶元

年更郡名舊志博陵郡京師東北二十九百六里

何十年等執楊光翽見祿山責

光翽以附楊國忠斬之以徇

考異曰幸蜀記云十九甲戌至真定南逢楊光翽按唐

歷祿山遣驍騎何十年等劫光翽歸遇於博陵郡殺之蓋幸蜀記誤以定州為真定耳祿山事迹曰其年九月傳太

原尹楊光翽首至按祿山十一月始反而事迹云九月取光翽誤也

祿山使其將安忠志將

精兵軍土門

將即亮翻下同

忠志奚人祿山養為假子又以張獻

誠攝博陵太守獻誠守珪之子也

張守珪卯翼祿山實為厲階

祿山至

藁城常山太守顏杲卿力不能拒與長史袁履謙往迎之

祿山輒賜杲卿金紫質其子弟使仍守常山

常山郡本恒州恒山郡天

寶元年更郡名劉昫曰常山郡舊治元氏魏道武登常山郡北望安樂壘美之遂移郡治於安樂城今州城是也魏收志九門縣有安樂壘質音致

陘口以徧西來諸軍

西來諸軍謂河東路兵東出井陘口者陘音刑

杲卿歸途

中指其衣謂履謙曰何為著此

著陟略翻

履謙悟其意乃陰

與杲卿謀起兵討祿山杲卿思魯之玄孫也

顏思魯之推之子師

古之父也

丙子上還宮斬太僕卿安慶宗賜榮義郡主自盡

以朔方節度使安思順為戶部尚書思順弟元貞為太僕卿以朔方右廂兵馬使九原太守郭子儀為朔方節

度使

九原郡
豐州

右羽林大將軍王承業為太原尹

太原為
北都故

尹置

置河南節度使領陳留等十三郡以衛尉卿猗氏張

介然為之

陳留郡汴州
刺史舊紀以介然為陳留太守按是時無刺

考異曰實錄以介然為汴州

史郭納見為太守介然直為節度使耳

以程千里為潞州長史諸郡當賊

衝者始置防禦使丁丑以榮王琬為元帥右金吾大將

軍高仙芝副之統諸軍東征

帥所
類翻

出內府錢帛於京師

募兵十一萬號曰天武軍旬日而集皆市井子弟也

十二月丙戌高仙芝將飛騎彊騎及新募兵邊兵在京

師者合五萬人發長安上遣宦者監門將軍邊令誠監

其軍屯於陝

將即亮翻騎奇寄翻曠虛郭翻又古博翻監古銜翻陝失冉翻舊志陝郡在京師東

四百九十里至東都三百三十里

丁亥安祿山自靈昌度河

靈昌郡本滑州

東郡天寶元年更名

以絙約敗船及草木橫絕河流一夕冰合

如浮梁遂陷靈昌郡

舊志靈昌郡去京師一千四百四十里至東都五百三十里祿

山步騎散漫人莫知其數所過殘滅張介然至陳留纔

數日祿山至授兵登城衆忙懼不能守

忙許拱翻

庚寅太守

郭納以城降祿山入北郭聞安慶宗死慟哭曰我何罪

而殺我子時陳留將士降者夾道近萬人

降戶江翻祿

山皆殺之以快其忿斬張介然於軍門

考異曰舊紀辛卯陷陳留郡

祿山事迹庚午陷陳留郡傳張介然荔非元瑜等首至今從實錄

以其將李庭望為節

度使守陳留

舊志陳留郡京師東一千三百五十里東都四百一里

壬辰上下制

欲親征其朔方河西隴右兵留守城堡之外皆赴行營

令節度使自將之期二十日畢集

初平原太守顏真

卿

漢置平原郡唐為德州天寶元年復改為郡

知祿山且反因霖雨完城浚

壕料丁壯實倉廩祿山以其書生易之

料連條翻量度也又力弔翻易

以政

及祿山反，牒真卿以平原博平兵七千人防河津。

博平郡
博州

真卿遣平原司兵李平問道奏之。

間古
覓翻

上始聞

祿山反，河北郡縣皆風靡。歎曰：「二十四郡曾無一人義

士邪？」及平至。

舊志平原郡至京師
一十九百八十二里

大喜曰：「朕不識顏真

卿作何狀，乃能如是！」真卿遣親客密懷購賊牒，詣諸郡。

由是諸郡多應者。真卿杲卿之從弟也。

從才
用翻

安祿山引

兵向滎陽。太守崔無詖拒之。士卒乘城者聞鼓角聲，自

墜如雨。癸巳，祿山陷滎陽。

滎陽郡鄭州西至洛陽二百
六十里舊志滎陽郡至京師

一千一百五里東都二百七十里

考異曰唐厯舊紀作甲午今從實錄

殺無諛以其將武

令珣守之祿山聲勢益張

張知亮翻

以其將田承嗣安忠志

張孝忠為前鋒封常清所募兵皆白徒未更訓練

更工衡翻

屯武牢以拒賊賊以鐵騎蹂之

蹂人九翻

官軍大敗常清收

餘衆戰於葵園又敗戰上東門內又敗

葵園在兗子谷南上東門即洛

陽上春門也唐六典東都城東面三門北曰上東

丁酉祿山陷東京賊鼓譟自

四門入縱兵殺掠常清戰於都亭驛又敗退守宣仁門

又敗乃自苑西壞牆西走

壞音怪

考異曰常清表云自今月七日交兵至十三日

不已按七日祿山猶未至河南尹達奚珣降於祿山

降戶

江翻留守李愬謂御史中丞盧奕曰吾曹荷國重任

守武又翻

愬直陵翻雖知力不敵必死之奕許諾愬收殘兵數百

欲戰皆奔愬潰去愬獨坐府中奕先遣妻子懷印間道

走長安

走音奏

朝服坐臺中

朝直

左右皆散祿山屯於閑

廐使人執愬奕及來訪判官蔣清皆殺之奕罵祿山數

其罪

數所具翻

顧賊黨曰凡為人當知逆順我死不失節夫

復何恨

扶音扶復

愬文水人

文水縣屬并州本漢大陵縣魏置受陽縣隋為文水

縣 奕懷慎之子清欽緒之子也

盧懷慎開元初賢相蔭緒見二百九卷中宗

景龍三年

祿山以其黨張萬頃為河南尹封常清帥餘衆至

陝

帥讀曰率

陝郡太守竇廷芝已奔河東吏民皆散常清謂

高仙芝曰常清連日血戰賊鋒不可當且潼關無兵若

賊豕突入關則長安危矣陝不可守不如引兵先據潼

關以拒之仙芝乃帥見兵西趨潼關

見賢通翻趨七喻翻考異曰肅宗

實錄云仙芝領大軍初至陝方欲進師會常清軍敗至欲廣其賊勢以雪已罪勸仙芝班師仙芝素信常清言

即日夜走保潼關朝野大駭今從本傳

賊尋至官軍狼狽走無復部伍士

馬相騰踐死者甚衆至潼關修完守備賊至不得入而

去祿山使其將崔乾祐屯陝

復扶又翻踐患銑翻潼音同將即亮翻陝失冉翻

臨汝弘農濟陰濮陽雲中郡皆降於祿山

弘農郡本號州號郡天寶

元年更名郡濮陽郡濮州雲中郡雲州濟子禮翻濮博木翻降戶江翻

是時朝廷徵兵諸

道皆未至關中怙懼會祿山方謀稱帝留東京不進故

朝廷得為之備兵亦稍集祿山以張通儒之弟通晤為

睢陽太守與陳留長史楊朝宗將胡騎千餘東略地

朝直

遙翻怙許拱翻睢音雖守式又翻將即亮翻騎奇寄翻

郡縣官多望風降走惟東

平太守嗣吳王祗濟南太守李隨起兵拒之

東平郡鄆州濟南郡

本齊州齊郡天寶元年更名臨淄郡五載更今郡名嗣祥史翻祗禕之弟也

禕吁韋翻郡縣

之不從賊者皆倚吳王為名單父尉賈貴帥吏民南擊

睢陽斬張通晤

單父古縣時屬睢陽郡單音善父音甫

李庭望引兵欲東

徇地聞之不敢進而還

還從宣翻又音如字

庚子以永王璘為

山南節度使江陵長史源洧為之副

江陵郡本荊州南郡天寶元年更郡

名璘力珍翻洧于軌翻

穎王璪為劔南節度使蜀郡長史崔圓為

之副

蜀郡益州璪公了翻長知兩翻

二王皆不出閭洧光裕之子也

光源

裕見二百一十二年

上議親征辛丑制太子監國

監古銜

異曰唐歷幸蜀記皆云十六日辛丑按長曆辛丑十七日也實錄又作己丑尤誤肅宗實錄云詔以上監國仍

令總統六軍親征寇逆按制書云今親總六師率衆百萬鋪敦元惡巡撫洛陽則是上親征使太子留守也今

從玄宗實錄謂宰相曰朕在位垂五十載倦于憂勤去秋已

欲傳位太子值水旱相仍不欲以餘災遺子孫

遺雅淹

留俟稍豐不意逆胡橫發

橫戶孟

朕當親征且使之監

國事平之日朕將高枕無為矣

枕之

楊國忠大懼退謂

韓號秦三夫人曰太子素惡吾家專橫久矣若一旦得

天下吾與姊妹併命在旦暮矣相與聚哭使三夫人說

貴妃

惡烏路翻橫下孟翻說式芮翻

銜土請命於上事遂寢顏真卿

召募勇士旬日至萬餘人諭以舉兵討安祿山繼以涕

泣士皆感憤祿山使其黨段子光齎李愜盧奕蔣清首

徇河北諸郡至平原壬寅真卿執子光腰斬以徇取三

人首續以蒲身棺斂葬之祭哭受弔

棺音貫斂力膽翻

祿山以

海運使劉道玄攝景城太守清池尉賈載鹽山尉河內

穆寧共斬道玄

自帝事邊功運青萊之粟浮海以給幽平之兵故置海運使景州本滄州勃海

郡天寶更郡名清池漢浮陽縣地開皇十八年更名鹽山漢高城縣地隋開皇十八年以縣有鹽山更名清池帶郡鹽山得其甲仗五十餘船攜道玄首謁長史李暉

暉收嚴莊宗族悉誅之是日送道玄首至平原真卿召

載寧及清河尉張澹詣平原計事

澹徒覽翻舊穆寧傳

考異曰

劉道玄為景城守寧倡義起兵斬道玄首傳檄郡邑多有應者賊將史思明來寇郡寧以攝東光令將兵禦之思明遣使說誘寧立斬之郡懼賊怨深後大兵至奪寧兵及攝縣初寧佐米訪使巡按嘗過平原與太守顏真卿密揣祿山必叛至是真卿亦唱義舉郡兵以拒祿山會間使持書遣真卿曰夫子為衛君乎更無他詞真卿得書大喜因奏署大理評事河北米訪支使按寧以道玄首謁李暉暉即族嚴莊家豈有懼賊怨深而奪寧兵

乎真卿既殺段子光帥諸郡以討祿山寧書中安得尚為隱語道玄首至平原真卿已召寧計事豈待得此書

然後用之況真卿領來訪使乃饒陽太守盧全誠據城在明年常山陷後今時不取

不受代

考異曰包謂河洛春秋作盧皓今從殷仲容顏氏行狀

河間司法李真殺

祿山所署長史王懷忠李隨遣遊奕將訾嗣賢濟河

將即

亮翻訾即移翻姓也漢有訾順

殺祿山所署博平太守馬冀各有衆數

千或萬人共推真卿為盟主軍事皆稟焉祿山使張獻

誠將上谷博陵常山趙郡文安五郡團結統兵萬人圍

饒陽

饒陽郡深州河間郡瀛州上谷郡易州趙郡趙州文安郡莫州將即亮翻

高山芝之

東征也監軍邊令誠數以事干之仙芝多不從令誠入

奏事具言仙芝常清撓敗之狀

數所角翻撓奴教翻

且云常清以

賊搖衆而仙芝弃陝地數百里又盜減軍士糧賜上大

怒癸卯遣令誠齎勅即軍中斬仙芝及常清初常清既

敗三遣使奉表陳賊形勢

使疏史翻

上皆不之見常清乃自

馳詣闕至渭南勅削其官爵令還仙芝軍白衣自效常

清草遺表曰臣死之後望陛下不輕比賊無忘臣言時

朝議皆以為祿山狂悖不日授首故常清云然

云然者猶曰言

如此也朝直遙翻悖
蒲內翻又蒲沒翻

令誠至潼關先引常清宣勅示之

常清以表附令誠上之

上時掌翻記安祿山事迹

時曰明皇幸蜀

仙芝軍感憤頗深遂作遺表飲藥而死令誠至常清已死而舊傳以為勅令却赴潼關自草表待罪是日臨刑託令誠上之蓋二書見常清表有仰天飲鵠向日封常章即為尸諫之臣死作聖朝之鬼故云然今從舊傳

清既死陳尸遽除

遽除蘆

仙芝還至聽事令誠索陌刀

手百餘人自隨

索山客翻

乃謂仙芝曰大夫亦有恩命仙芝

遽下令誠宣勅仙芝曰我遇敵而退死則宜矣今上戴

天下履地謂我盜減糧賜則誣也時士卒在前皆大呼

稱枉其聲振地遂斬之

呼火故翻史言高山芝由邊令誠而得節亦由邊令誠而喪元

以將軍李承光攝領其衆河西隴右節度使哥舒翰病

廢在家

考異曰舊金梁鳳傳云天寶十三載哥舒翰入京師裴冕為河西留後在武威是翰雖病在

京師猶領河西隴右兩鎮也

上藉其威名且素與祿山不協名見

賢

遍拜兵馬副元帥將兵八萬以討祿山

帥所類翻

仍勅天下

四面進兵會攻洛陽翰以病固辭上不許以田良丘為

御史中丞充行軍司馬起居郎蕭昕為判官蕃將火拔

歸仁等各將部落以從

將即亮翻從才用翻

并仙芝舊卒號二十

萬軍于潼關

考異曰肅宗實錄云以翰為皇太子先鋒兵馬使元帥領河隴朔方募兵十萬并

仙芝舊卒號二十萬拒戰於潼關十二月十七日大軍

發唐厯亦云先鋒兵馬使元帥舊傳云先鋒兵馬元帥

祿山事迹云翰為副元帥領河隴諸蕃部落奴刺頓跌

朱邪契苾渾蹕林奚結沙陀蓬子處密吐谷渾思結等

十三部落督蕃漢兵二十一萬八千人鎮于潼關舊紀

云丙午命翰守潼關按玄宗實錄癸卯斬常清仙芝命

翰為兵馬副元帥統兵八萬鎮潼關時榮王為元帥故

以翰副之蓋誅仙芝之日即命翰代仙芝舊紀丙午肅

宗實錄十七日軍發皆太早也玄宗實錄所云八萬者

蓋止謂漢兵隨翰東征者耳并諸蕃部落及仙芝舊兵

則及十餘萬因翰病不能治事

號二十萬也
治直翻
悉以軍政委田良

丘良丘復不敢專決使王思禮主騎李承光主步二人

爭長無所統壹

復扶又翻
長知兩翻

翰用法嚴而不恤士卒皆懈

弛無關志

史言哥舒
翰所以敗

安祿山大同軍使高秀巖寇振

武軍

杜佑曰振武軍在單于都護府
城內西去朔方千七百餘里

朔方節度使郭子

儀擊敗之

敗補
邁翻

子儀乘勝拔靜邊軍

據舊史靜邊軍當
在單于府東北王

忠嗣鎮河東所築也宋白曰雲
中郡西至靜邊軍一百八十里

大同兵馬使薛忠義寇

靜邊軍子儀使左兵馬使李光弼右兵馬使高潛左武

鋒使僕固懷恩右武鋒使渾釋之等逆擊大破之亢其

騎七千

騎奇寄翻下同
戰在十二月十二日

考異曰陳雄汾陽王家傳此
媿其與祿山陷東都相亂

故并進圍雲中使別將公孫瓊嚴將二千騎擊馬邑拔

之開東陁關

馬邑郡朔州雁門縣有東陁關西陁關時

始開關杜佑曰代州雁門郡郡南三十里有東陁關甚險固西陁山即句注山陁音刑下同

甲辰加

子儀御史大夫懷恩哥濫拔延之曾孫也世為金微都

督

哥濫拔延見一百九十八卷太宗貞觀二十年金微都督府亦置於是年舊史曰僕固即鉄勒僕骨部語

說為僕固

釋之渾部酋長世為臯蘭都督

酋慈由翻長知兩翻

顏杲卿

將起兵叅軍馮虔前真定令賈深藁城尉崔安石郡人

翟萬德內丘丞張通幽皆預其謀

真定縣帶常山郡內丘漢中丘縣也隋諱

忠改曰內丘屬鉅鹿郡翟農伯翻

又遣人語太原尹王承業密與相應

語牛倨翻

會顏真卿自平原遣杲卿甥盧逖潛告杲卿欲連

兵斷祿山歸路以緩其西入之謀

斷丁管翻下乃斷同

時祿山遣

其金吾將軍高邈詣幽州徵兵未還杲卿以祿山命名

李欽湊使率衆詣郡受犒賚

帥讀曰率犒古到翻賚來代翻

丙午薄暮

欽湊至杲卿使袁履謙馮虔等攜酒食妓樂往勞之

渠妓

綺翻勞力到翻下慰勞同

并其黨皆大醉乃斷欽湊首收其甲兵盡

縛其黨明日斬之悉散井陘之衆有頃高邈自幽州還

且至藁城杲卿使馮虔往擒之

斷丁管翻是年十一月安祿山使李欽湊屯井

陞口今斬之而散其衆陞音刑還從宣翻又音如字

南境又白何千年自東京來

崔安石與翟萬德馳詣醴泉驛迎千年又擒之

醴泉驛在常山

郡界南直趙郡

同日致於郡下千年謂杲卿曰今太守欲輸力

王室既善其始當慎其終此郡應募烏合難以臨敵宜

深溝高壘勿與爭鋒俟朔方軍至併力齊進傳檄趙魏

斷燕薊要脅

斷音短燕因肩翻薊音計要讀曰腰

今且宜聲云李光弼引

步騎一萬出井陘因使人說張獻誠云足下所將多團

練之人無堅甲利兵難以當山西勁兵

常山饒陽以并代為山西合天

下言之則河南河北通謂之山東函閔以西為山西說式芮翻將即亮翻又音如字

獻誠必解圍

遁去此亦一奇也杲卿悅用其策獻誠果遁去其圍練

兵皆潰杲卿乃使人入饒陽城慰勞將士

勞力到翻將即亮翻

命

崔安石等徇諸郡云大軍已下井陘朝夕當至先平河

北諸郡先下者賞後至者誅於是河北諸郡響應凡十

七郡皆歸朝廷兵合二十餘萬

考異曰河洛春秋曰祿山至藁城杲卿上書

陳國忠罪惡宜誅之狀且曰鉞下才不世出天寶縱之所向輒平無思不服昔漢高仗赤帝之運猶納食其之

言魏武應黃星之符亦用荀彧之策又曰今河北殷實
百姓富饒衣冠禮樂天下莫敵孔子曰十室之邑必有
忠信萬家之邦非無豪傑如或結聚豈非後患者乎伏
惟精彼前軍嚴其後殿所過持重且詳觀地圖凡有險
隘必加防遏慎擇良吏委之腹心自洛已東且為已有
廣輓芻粟繕理甲兵傳檄西都望風自振若唐祚未改
王命尚行君相協謀士庶奔命則或兵翬洛東據敖倉
南臨白馬之津北守飛狐之塞自當抗衡上國割據一
方若景命已移謳歌所繫即當長驅岐雍臨馬渭河黔
首歸命孰有出錢下之右者祿山大悅加杲卿章服仍
舊常山太守并五軍團練使鎮井陘口留同羅及曳落
河一百人首領各一人其趙邢洺相衛等州並皆替換
及滄瀛深不從祿山張獻誠圍深州月餘不下前趙州
司戶包處遂前元氏尉張通幽藁城縣尉崔安晟恒州
長史袁履謙等同上書說杲卿曰明公身荷寵光位居
牧守乃奔萬全之良計履必死之畏途取適於目前忘

累於身後竊為明公不取今若拒祿山之命招十萬之
兵時乃芻蕘積其食粟分守要害大振威聲通井陘之
路與東都合勢如此則洪勲盛烈何可勝言者哉輕進
瞽言萬無一用魂銷東武先懷屠烈之憂心拱北辰願
立忠貞之節杲卿覽書大悅於是僉議偽以祿山命追
井陘鎮兵就恒州宴設酋長各賜帛三百段馬一匹金
銀器物各一牀美人各一其餘通賜物一萬段設於酒
南焦同驛自曉至暮并以歌妓數百人悅其意密於酒
中致毒與飲令盡醉患無所覺乃盡收其器械一一縛
之明日盡斬弃尸於滹沱河中殷亮顏杲卿傳曰祿山
起杲卿計無所出乃與長史表履謙謁于藁城縣祿山
以杲卿常為已判官矯詔賜紫金魚袋使自守常山郡
以其孫誕弟子詢為質俾崇郡刺史蔣欽湊以趙郡甲
卒七千人守土門約杲卿將見欽湊以私號召之杲卿
罷歸途中指其衣服而謂履謙曰此害身之物也祿山
雖以誅君側為名其實反矣我與公世為唐臣忝居藩

翰寧可從之作逆邪履謙愀然變色感嘆良久曰為之
奈何唯公所命不敢違杲卿乃使人告太原尹王承業
以殺欽湊俟其緩急相應承業亦使報命杲卿恐泄漏
示已不事事多委政於履謙終日不相謁唯使男泉明
往來通其言名前真定令賈深處士權渙郭仲邕就履
謙以謀之適會杲卿從父弟真卿據平原殺段子光使
杲卿妹子盧逖并以購祿山所行勅牒潛告早卿大悅
匿逖于家逖之未至杲卿先使人以私號召欽湊至杲
卿辭之曰日暮夜恐有他盜城門閉矣請俟詰朝相見
因遣參軍馮虔宗室李峻靈壽尉李栖默郡人翟萬德
等即于驛亭遇欽湊夜久醉熟以斧斫殺之患散土門
兵先是祿山使其腹心偽金吾將軍高邈徵兵於范陽
路出常山杲卿候知之其日邈至于滿城驛杲卿令崔
安石馮虔殺之邈前驅數人先至遽殺之遂生擒邈送
于郡遇何千年狎至安石於路絕行人之南者馳至醴
泉驛候千年亦斬其人而擒之如邈日未午二凶偕致

肅宗實錄杲卿初聞祿山起兵於范陽杲卿召長史袁履謙前真定令賈深內丘丞張通幽謂之曰今祿山一朝以幽并騎過常山趨洛陽有問鼎之志天子在長安方欲徵天下兵東向問罪事不及矣如賊軍暴至吾屬為虜必矣不若因其未萌招義徒西據土門北通河朔待海內之救上以安國家下以全臣節此策之上者遂即日購士得千餘人命履謙將兵鎮土門命賈深防東路通幽守郡城賊將李歸仁令弟欽湊領步騎五千人先鎮土門仍令以兵隸於杲卿又使麾下騎將高邈馳報祿山令促其行覘者知其謀而白杲卿杲卿召履謙告之履謙曰事將亟矣若不早誅欽湊謀不集也遂詐追欽湊令赴郡計事命履謙署人吏以待之欽湊夜至郡杲卿命鮑于驛乃使參軍李循馮虔縣尉李栖默等享欽湊於驛醉而夜殺之履謙持欽湊首謁于杲卿杲卿與履謙且喜事之捷又懼賊之來相對泣杲卿收淚勸履謙曰大丈夫名不掛青史安用生為吾與公累世

事唐豈偷安於胡羯但使死而不朽亦何恨也有項橐
城尉崔安石報高邈自祿山所至已宿上谷郡界又使
馮虔縣尉崔萬德并命安石共方略詰朝邈騎數人先
至驛虔盡阮之邈繼至虔紹之曰太守將音樂迎候邈
無疑至廳下馬虔安石等指揮人吏以棒亂擊邈仆生
縛之無何南界又報何千年自東京宿趙郡安石萬德
先於郡南醴泉驛候之千年至知邈被擒令麾下騎與
安石戰敗又生擒千年並送于郡舊傳曰祿山陷東都
杲卿忠誠感發懼賊寇潼關即危宗社時從弟真卿為
平原太守遣信告杲卿相與起義兵犄角斷賊歸路以
紓西寇之勢杲卿乃與長史袁履謙前真定令賈深前
內丘丞張通幽等謀閉土門以背之祿山遣蔣欽湊高
邈帥衆五千守土門杲卿欲誅欽湊開土門之路時欽
湊軍隸常山郡屬欽湊遣高邈往幽州未還杲卿遣吏
召欽湊至郡計事是月二十二日夜欽湊至舍之於傳
舍會欽既醉令袁履謙與參軍馮虔縣尉李栖默手力

翟萬德等殺欽湊中夜履譙攜欽湊首見杲卿相與垂
泣喜事之濟也是夜藁城尉崔安石報高邈還至滿城
即令馮虔翟萬德與安石往圖之詰朝邈之騎從數人
至藁城驛安石皆殺之俄而邈至安石給之曰太守苟
酒樂於傳舍邈方據廳下馬馮虔等擒而繫之是日賊
將何千年自東都來趙郡馮虔翟萬德伏兵於醴泉驛
千年至又擒之即日縛二賊將還郡按祿山初自范陽
擁數十萬衆南下常山當其所出之塗若杲卿不從命
遽以千餘人拒之則應時齋粉安得復守故郡乎況時
祿山猶以誅楊國忠為名未僭位號杲卿迎於藁城受
其金紫殆不能免矣肅宗實錄所云者蓋欲全忠臣之
節耳然杲卿忠直剛烈靡軀徇國舍生取義自古罕傳
豈肯更上書媚悅祿山比之漢高魏武為之畫割據并
吞之策此則粗有知識者必知其不然也蓋包諂乃處
遂之子欲言杲卿初無討賊立節之意由已父上書勸
成之以大其父功耳觀所載杲卿上祿山書處遂等上

杲卿書田承嗣上史朝義疏其文體如一足知皆謂所撰也又張通幽兄為逆黨又教王承業奪杲卿之功終以反覆被誅其行事如此而包誦云初與處遂同書勸杲卿為忠義尤難信也舊傳云欽湊高邈同守土門欽湊遣邈往幽州今從殷亮杲卿傳祿山自遣邈徵兵是也河洛春秋云留同羅曳落河百人彼鎮井陘過山西之軍重任也豈百人所能守乎殷傳云七千人守土門此七千人又非履謙一夕所能縛也蓋祿山留精兵百人以為欽湊腹心爪牙其餘皆團練民兵脅從者耳故履謙得醉之以酒誅欽湊及百人而散其餘耳河洛春秋云酒中置毒按時履謙等與欽湊同飲豈得偏置毒於客酒中乎今不取舊傳及殷傳皆云欽湊姓蔣今從玄宗肅宗實錄唐歷姓李玄宗實錄十二月己亥杲卿殺賊將李欽湊執何千年高邈送京師按己亥十五日也而真卿以壬寅斬段子光壬寅十八日也真卿既殺子

光乃報杲卿同舉義兵今從舊傳為二十三日丙午殺
欽奏肅宗實錄又云杲卿之斬欽奏等因使徇諸郡曰
今上使榮王為元帥哥舒翰為副徵天下兵四十萬東
向討逆按實錄癸卯始命翰為副元帥計丙午常山亦
未知今不取河洛春秋云十三郡悉舉義兵歸朝廷殷
亮顏氏行狀舊顏真卿傳唐厯時云十七郡歸順蓋河
洛春秋不數平原景城河間饒陽先定者耳顏氏行狀
曰不歎者六郡而已時魏郡亦未下蓋舉其終數耳

其附祿山者唯范陽盧龍密雲漁陽汲鄴六郡而已

唐攷

志無盧龍郡當是改平州北平郡為盧龍郡也密雲郡
本檀州安樂郡天寶元年更郡名漁陽郡薊州汲郡衛

州杲卿又密使人入范陽招賈循邾城人馬燧說循曰

邾城漢潁川邾縣之地後魏置龍山縣及南陽縣隋開
皇初改龍山曰汝南十八年改汝南曰輔城南陽曰期

城大業初改輔城曰邾城廢邾音夾說式芮翻祿山負恩悖逆悖蒲內翻又蒲沒翻

雖得洛陽終歸夷滅公若誅諸將之不從命者以范陽

歸國傾其根柢此不世之功也循然之猶豫不時發別

將牛潤容知之以告祿山祿山使其黨韓朝陽召循

朝陽至范陽引循屏語將即亮翻下同屏必邱翻使壯士縊殺之滅

其族縊於計翻以別將牛廷玠知范陽軍事史思明李立節

將蕃漢步騎萬人擊博陵常山馬燧亡入西山范陽郡之西山

南連上谷中隱者徐遇匿之得免初祿山欲自將攻

山之諸山

潼關至新安聞河北有變而還

考異曰玄宗實錄十五年正月壬戌祿山將

犯潼關次于新安聞有備而還按祿山以此月丁酉陷東都至壬戌凡二十六日非東虛掩襲也豈得至新安

然後知其有備乎蓋常山有變則幽蔡希德將兵萬人

自河內北擊常山

河內郡懷州

戊申榮王琬薨贈謚靖恭

太子是歲吐蕃贊普乞黎蘇籠獵贊卒子娑悉籠獵

贊立

吐從暇入聲卒子血翻娑素禾翻

肅宗文明武德大聖大宣孝皇帝上之上

諱亨玄宗第三子也初名嗣昇開元十五年更名浚二十三年更名璵二十八年更名紹天寶

三載更

名亨

至德元載

是年七月太子即位於靈武始改元至德

春正月乙卯朔祿山自

稱大燕皇帝改元聖武以達奚珣為侍中張通儒為中

書令

考異曰幸蜀記云以珣為左相通儒為右相今從實錄

高尚嚴莊為中書侍

郎李隨至睢陽有衆數萬丙辰以隨為河南節度使

是載始置河南節度使治汴州領陳留睢陽靈昌淮陽汝陰譙濟陰濮陽淄川琅邪彭城臨淮東海十三郡睢

音雖使疏

以前高要尉許遠為睢陽太守兼防禦使

許

先仕於蜀忤章仇兼瓊貶高要尉史為許遠堅守睢陽張本

濮陽客尚衡起兵討祿

山以郡人王栖曜為衙前總管攻拔濟陰殺祿山將邢

超然

濮博未翻濟子禮翻將即亮翻

顏杲卿使其子杲明賈深翟萬

德獻李欽湊首及何千年高邈于京師

翟萇伯翻

張通幽泣

請曰通幽兄陷賊

謂通儒也

乞與杲明偕行以救宗族杲卿

哀而許之至太原通幽欲自託於王承業乃教之留杲

明等更其表

更工衡翻

多自為功毀短杲卿別遣使獻之杲

卿起兵纔八日守備未完史思明蔡希德引兵皆至城

下

考異曰河洛春秋云十二月乙未思明希德齊至下杲卿丙午始殺

李欽湊云乙未誤也今從諸書

杲卿告急於承業承業既竊其功利於城陷遂擁兵不

救杲卿晝夜拒戰糧盡矢竭壬戌城陷

考異曰實錄癸亥城陷河洛

春秋正月一日城陷舊思明傳正月六日圍常山九日拔之今從玄宗實錄唐歷舊紀杲卿傳

賊縱兵

殺萬餘人執杲卿及袁履謙等送洛陽

舊志常山郡京師東北一千七

百六十里至東都一千一百三十六里

王承業使者至京師玄宗大喜拜

承業羽林大將軍麾下受官爵者以百數徵顏杲卿為

衛尉卿朝命未至常山已陷

朝直遙翻

杲卿至洛陽祿山數

之曰

數所具翻

汝自范陽戶曹我奏汝為判官不數年超至

太守

杲卿為范陽戶曹祿山表為營田判官假常山太守

何負於汝而反邪杲卿

瞋目罵曰汝本營州牧羊羯奴

瞋昌真翻錫居謁翻

天子擢汝為

三道節度使恩幸無比何負於汝而反我世為唐臣祿

位皆唐有雖為汝所奏豈從汝反邪我為國討賊

我為于為

翻恨不斬汝何謂反也臊羯狗何不速殺我祿山大怒

并表履謙等縛於中橋之柱而呂之

臊蘇遭翻中橋天津中橋也呂古瓦

翻杲卿履謙比死

比必利翻

罵不虛口顏氏一門死於刀鋸

者三十餘人史思明李立節蔡希德既克常山引兵擊

諸郡之不從者所過殘滅於是鄴廣平鉅鹿趙上谷博

陵文安魏信都等郡復為賊守

鉅鹿郡邢州信都郡冀州文安郡莫州復扶又

翻饒陽太守盧全誠獨不從思明等圍之河間司法李

真將七千人景城長史李暉遣其子祀將八千人救之

皆為思明所敗

敗補邁翻

上命郭子儀罷圍雲中還朔方

並發兵進取東京選良將一人分兵先出井陘定河北

子儀薦李光弼癸亥以光弼為河東節度使分朔方兵

萬人與之

考異曰杜牧張保臯傳曰安祿山亂朔方節度使安思順以祿山從弟賜死詔郭汾陽

代之後旬日復詔李臨淮持節分朔方半兵東出趙魏
當思順時汾陽臨淮俱為牙門都將二人不相能雖同
盤飲食常睇相視不交一言及汾陽代思順臨淮欲亡
去計未決詔至分汾陽兵東討臨淮入請曰一死固甘
乞免妻子汾陽趨下持手上堂偶坐曰今國亂主遷非
公不能東伐豈懷私忿時邪患召軍吏出詔書讀之如
詔約東及別執手泣涕相勉以忠義按於時玄宗未幸
蜀唐之號令猶行於天下若制書除光弼為節度使子
儀安敢擅殺之杜或得於傳聞
之誤也今從汾陽家傳及舊傳 甲子加哥舒翰左僕

射同平章事餘如故 置南陽節度使以南陽太守魯

炅為之將嶺南黔中襄陽子弟五萬人屯葉北以備安

祿山炅表薛愿為潁川太守兼防禦使
南陽郡鄧州襄陽郡襄州葉縣時屬

汝州潁川郡許州吳火迴翻
將即亮翻黯音琴藥式涉翻

龐堅為副使愿故太子瑛

之妃兄堅王之曾孫也

龐王去隋歸唐為將龐皮江翻

乙丑安祿山

遣其子慶緒寇潼關哥舒翰擊却之已已加顏真卿

戶部侍郎兼本郡防禦使真卿以李睟為副二月丙

戌加李光弼魏郡太守河北道採訪使史思明等圍

饒陽二十九日不下李光弼將蕃漢步騎萬餘人太原

弩手三千人出井陘

騎奇寄翻陘音刑實錄已亥光弼以朔方馬步五千

考異曰玄宗

東出土門收常山郡河洛春秋云光弼從大同城下領
蕃漢兵馬步一萬餘人并太原弩手三千人救真定蓋

實錄言朔方元領之兵
河洛言到真定之數耳

已亥至常山常山團練兵三千

人殺胡兵執安思義出降

降戶江翻

光弼謂思義曰汝自知

當死否思義不應光弼曰汝久更陳行

更工衡翻陳讀曰陣行胡剛翻

視吾此衆可敵思明否今為我計當如何汝策可取當

不殺汝思義曰大夫士馬遠來疲弊猝遇大敵恐未易

當

易以鼓翻

不如移軍入城早為備禦先料勝負然後出兵

胡騎雖銳不能持重

騎奇寄翻下同

苟不獲利氣沮心離於時

乃可圖矣思明今在饒陽去此不二百里

九域志真定至饒陽二百

三十五里思義蓋指
思明下營處言之

昨暮羽書已去計其先鋒來晨必

至而大軍繼之不可不留意也光弼悅釋其縛即移軍

入城史思明聞常山不守立解饒陽之圍明日未旦先

鋒已至思明等繼之合二萬餘騎直抵城下光弼遣步

卒五千自東門出戰賊守門不退光弼命五百弩於城

上齊發射之

射而亦翻
下兵射同

賊稍却乃出弩手千人分為四

隊使其矢發發相繼賊不能當斂軍道北光弼出兵五

千為檣城於道南夾呼沱水而陳賊數以騎兵搏戰光

弼之兵射之人馬中矢者大半

陳讀曰陣數所
角翻中竹仲翻

乃退小

憩以俟步兵有村民告賊步兵五千自饒陽來晝夜行

百七十里至九門南逢壁度憩息

九門縣屬常山郡在
郡東宋白曰戰國策

云本有九室而居趙武靈
王改為九門縣憩去例翻

光弼遣步騎各二千匿旗鼓

並水潛行

並步
浪翻

至逢壁賊方飯縱兵掩擊殺之無遺思

明聞之失勢退入九門時常山九縣

真定藁城石邑九
門行唐井陘平山

獲鹿靈壽
凡九縣

七附官軍惟九門藁城為賊所據光弼遣裨

將張奉璋以兵五百戍石邑

石邑縣自漢以來屬常山
郡在郡西南戍兵多於餘

縣者所以通太原之路也宋白曰隋改漢上曲陽縣為石邑尋移石邑於井陘縣於舊石邑縣置恒陽縣以在恒山之陽為名則餘皆三百人戍之上以吳王祗為此石邑在井陘也

靈昌太守河南都知兵馬使

上謂玄宗使疏吏翻

賈貴前至雍丘

有衆二千先是譙郡太守楊萬石以郡降安祿山

先悲薦翻

降戶江翻逼真源令河東張巡使為長史西迎賊巡至真源

帥吏民哭於玄元皇帝廟

雍丘縣漢晉屬陳留郡後魏屬陽夏郡隋屬梁郡唐屬汴

州譙郡亳州老子苦縣人有祠在焉唐祖之故改起兵縣曰真源九域志縣在譙郡西七十里帥讀曰率

討賊吏民樂從者數千人

樂音洛

巡選精兵千人西至雍

丘與賈賁合初雍丘令令狐潮以縣降賊賊以為將使

東擊淮陽救兵于襄邑破之

淮陽郡陳州宋白曰襄邑縣春秋宋襄牛地也宋襄

公葵馬故曰襄陵今墓在縣西北隅秦始皇以承匡縣卑濕遂徙於襄陵又以陵字犯諱改為襄邑俘百

餘人拘於雍丘將殺之往見李庭望淮陽兵遂殺守者

潮棄妻子走故賈賁得以其間入雍丘

間古覓翻異曰肅宗實錄考

曰雍丘令令狐潮據城以應祿山百姓有違令者百餘人將殺之覘者報官軍至潮不及行刑遂反縛仆於地

令人守之遽出軍以禦官軍縛者忽一人幸脫殺守者互解其縛開城門以拒潮相持累日賈聞之入其城領

衆殺潮母妻及子以堅人志舊張巡傳潮欲以城降賊民吏百餘人不從命潮時反接仆之於地將斬之會賊

來攻城潮遽出鬪而反接者自解其縛閉城門拒潮名
貴貴與巡引衆入雍丘新傳潮舉縣附賊遂自將東敗
淮陽兵虜其衆反接在廷將殺之暫出行部淮陽兵更
解縛起殺守者迎貴等入潮不得歸巡乃屠其妻子磔
城上按潮既以城降賊賊來即當出迎豈
有更出鬪者今從李翰張中丞傳及新傳
庚子潮引賊
精兵攻雍丘貴出戰敗死張巡力戰却賊因兼領貴衆
自稱吳王先鋒使三月乙卯潮復與賊將李懷仙楊朝
宗謝元同等四萬餘衆奄至城下衆懼莫有固志
復扶
下日復瘡復巡曰賊兵精銳有輕我心今出其不意擊
同朝直遙翻
之彼必驚潰賊勢小折然後城可守也乃使千人乘城

自帥千人分數隊開門突出巡身先士卒直衝賊陳人

馬辟易

先患薦翻陳讀曰陣辟讀曰闕易讀如字

賊遂退明日復進攻城設

百礮環城

復扶又翻礮與砲同環音宦

樓堞皆盡

堞達協翻

巡於城上立

木柵以拒之賊蟻附而登巡束蒿灌脂焚而投之賊不

得上

上時掌翻

時伺賊隙出兵擊之或夜絕斫營

伺相吏翻絕馳偽翻

積六十餘日大小三百餘戰帶甲而食累瘡復戰賊遂

敗走巡乘勝追之獲胡兵二十人而還軍聲大振

還從宣翻

又音如字

初戶部尚書安思順知祿山反謀因入朝奏之

尚辰羊翻
朝直遙翻

及祿山反上以思順先奏不之罪也哥舒翰

素與之有隙

事見上卷
天寶十載

使人詐為祿山遺思順書於關

門擒之以獻且數思順七罪請誅之

遺于李翻數所
具翻又所主翻

丙

辰思順及弟太僕卿元貞皆坐死家屬徙嶺外楊國忠

不能救由是始畏翰

郭子儀至朔方益選精兵戊午

進軍于代

北代謂
代州

戊辰吳王祗擊謝元同走之拜陳

留太守河南節度使

守武又翻
使疏吏翻

壬午以河東節度使

李光弼為范陽長史河北節度使

長知兩翻
實錄云乙丑

光弼收

趙郡按壬午三月二十九日乙丑十二日也河洛春秋收趙郡在四月今從之加顏真卿河北

采訪使真卿以張澹為支使先是清河客李萼

先患薦
翻考

異曰顏氏行狀作李萼今從舊傳

年二十餘為郡人乞師於真卿

為于
偽翻

曰公首唱大義河北諸郡恃公以為長城今清河公之

西鄰

清河郡貝州九域志德州西南至貝州二百三十里

國家平日聚江淮河南

錢帛於彼以贍北軍

贍時
艷翻

謂之天下北庫今有布三百

餘萬匹帛八十餘萬匹錢三十餘萬緡糧三十餘萬斛

昔討默啜甲兵皆貯清河庫

謂武后時也
默啜

今有五

十餘萬事

一物可以給一事因謂之事

戶七萬口十餘萬竊計財足

以三平原之富兵足以倍平原之彊公誠資以士卒撫

而有之以二郡為腹心則餘郡如四支無不隨所使矣

真卿曰平原兵新集尚未訓練自保恐不足何暇及鄰

雖然借若諾子之請則將何為乎萼曰清河遣僕銜命

於公者非力不足而借公之師以嘗寇也亦欲觀大

賢之明義耳今仰瞻高意未有決辭定色僕何敢遽言

所為哉真卿竒之欲與之兵衆以為萼年少輕慮

少詩
照翻

徒分兵力必無所成真卿不得已辭之夢就館復為書

說真卿

復扶又翻
說式芮翻

以為清河去逆効順奉粟帛器械以

資軍公乃不納而疑之僕回轅之後清河不能孤立必

有所繫託將為公西面之彊敵公能無悔乎真卿大驚

遽詣其館以兵六千借之送至境執手別真卿問曰兵

已行矣可以言予之所為乎夢曰聞朝廷遣程千里將

精兵十萬出崞口討賊

崞口在洛州邯鄲縣西蓋即壺
關之險也又按舊唐書崞口在

湘州西山賊據險拒之不得前今當引兵先擊魏郡執

崞音郭

祿山所署太守袁知泰納舊太守司馬垂使為西南主人分兵開崢口出千里之師因討汲鄴以北至于幽陵郡縣之未下者

幽陵即謂幽州

平原清河帥諸同盟

帥讀曰率

合兵

十萬南臨孟津分兵循河據守要害制其北走之路計

官軍東討者不下二十萬河南義兵西向者亦不減十

萬公但當表朝廷堅壁勿戰不過月餘賊必有內潰相

圖之變矣真卿曰善命錄事參軍李擇交及平原令范

冬馥將其兵

平原縣屬平原郡古平原郡治焉故城在今縣西南二十五里今縣治北齊所築城

時平原郡
治安德縣會清河兵四千及博平兵十人軍于堂邑西

南

宋白曰堂邑縣屬博平郡本漢清發十二縣地隋開皇十六年於此置堂邑縣因縣西北有堂邑故城

為名
來知泰遣其將白嗣恭等將二萬餘人來逆戰三郡

兵力戰盡日魏兵大敗斬首萬餘級捕虜千餘人得馬

千匹軍資甚衆知泰奔汲郡遂克魏郡軍聲大振時北

海太守賀蘭進明亦起兵真卿以書召之并力

北海郡青州

進明將步騎五千度河

將即亮翻騎奇寄翻下同

真卿陳兵逆之相

揖哭於馬上哀動行伍

行戶江翻

進明屯平原城南休養士

馬真卿每事咨之由是軍權稍移於進明矣真卿不以
為嫌真卿以堂邑之功讓進明進明奏其狀取捨任意
勅加進明河北招討使擇交冬馥微進資級清河博平
有功者皆不錄進明攻信都郡久之不克錄事參軍長
安第五琦勸進明厚以金帛募勇士遂克之

考異曰
顏氏行狀

云進明失律於信都城下有詔抵罪公縱之使赴行在
進明之全乃公之護也今從舊傳又唐曆三月四日乙酉
真卿充河北來訪使時進明起義兵北度河與真卿
同經略六月真卿破袁知泰於堂邑進明再拔信都統
紀皆在三月舊紀破知泰於信都皆在六月
按三月無乙酉乙酉四月二日也今從統紀

李光弼

與史思明相守四十餘日思明絕常山糧道城中乏草

馬食薦藉

藉慈夜翻

光弼以車五百乘之石邑取草

之往也乘繩證

翻

將車者皆衣甲弩手千人衛之為方陳而行

衣於既翻陳讀

陣曰賊不能奪蔡希德引兵攻石邑張奉璋拒却之光弼

遣使告急於郭子儀子儀引兵自井陘出

使疏吏翻陘音刑

夏

四月壬辰至常山與光弼合蕃漢步騎共十餘萬甲午

子儀光弼與史思明等戰於九門城南

宋白曰九門縣戰國趙邑戰國

策云本有九室而居趙武靈王改為九門縣

思明大敗中郎將渾瑊射李立

節殺之

將即亮翻渾胡昆翻又戶城釋之之子也思明本翻城古咸翻射而亦翻

收餘衆奔趙郡蔡希德奔鉅鹿思明自趙郡如博陵時

博陵已降官軍

降戶江翻下同

思明盡殺郡官河朔之民苦賊

殘暴所至屯結多至二萬人少者萬人各為營以拒賊

及郭李軍至爭出自效

少詩沼翻

庚子攻趙郡一日城降士

卒多虜掠光弼坐城門收所獲悉歸之民大悅子儀生

擒四千人皆捨之斬祿山太守郭獻璆

璆音求

光弼進圍

博陵十日不拔引兵還恒陽就食

恒陽即恒山郡以其地在恒山之陽也唐

置恒陽軍於郡北又博陵郡有恒陽縣漢之上曲陽縣也隋改為恒陽縣在博陵西十里恒戶登翻還從宣翻

又音如字

楊國忠問士之可為將者於左拾遺博平張鎬

及蕭昕

鎬下老翻昕許斤翻將即亮翻下同

鎬昕薦左贊善大夫永壽來

瑱

武德二年分新平置永壽縣屬邠州瑱他見翻

丙午以瑱為潁川太守賊屢

攻之瑱前後破賊甚衆加本郡防禦使

守式又翻使疏吏翻

人謂

之來嚼鐵安祿山使平盧節度使呂知誨誘安東副

大都護馬靈啓殺之

馬靈啓即夫蒙靈啓也開元二年徙安東都護府于平州天寶二年

徙於遼西故郡城誘羊久翻

平盧遊奕使武陟劉客奴

武陟漢陽縣地隋開皇十

六年分置武陟縣時屬河內郡先鋒使董秦及安東將王玄志同謀討

誅知誨遣使踰海與顏真卿相聞請取范陽以自效真

卿遣判官賈載齎糧及戰士衣助之真卿時惟一子頗


餘歲使詣客奴為質質音致朝廷聞之以客奴為平

陽節度使朝直賜名正臣玄志為安東副大都護董秦

為平盧兵馬使南陽節度使魯炅立柵於渚水之南

安祿山將武令珣畢思琛攻之渚直里翻

資治通鑑卷二百一十七



總校官庶吉士臣侍朝

校對官檢討臣龔大萬

謄錄監生臣黃永澄